



又翰類選大成卷第一百八十一頁目錄

周

辛甲

一首

晉

張茂先

一首

唐

張蘊古

一首

韓退之

五首

李文饒

六首

柳子厚

二首

張道濟

一首

梁肅

一首

李義山

一首

姚元之

一首

李習之

一首

皮襲美

二首

歐陽行周

一首

元次山

二首

沈顏

一首

孫朴

一首

古之奇

一首

宋

程正叔

四首

石守道

一首

王元之

一首

范茂明

一首

真希元二首 朱仲晦二首

元

鄧善之一首 安熙 一首

國朝

劉基 二首 梁寅 一首 楊士奇 一首 胡儼 一首

王穉 一首 黃淮 一首 周忱 一首

文翰類選大成卷第一百八 箴目錄

文翰類選大成卷第一百八

左長史上海李伯璠編輯

紀善慈谿馮厚校正

箴類

周

虞箴 辛甲 武王特太史

茫茫禹迹畫為九州經啓九道民有寢廟獸有茂草各有攸處德用不擾在帝矣弄冒于原獸忘其國恤而思其鹿牡武不可重用不悅於夏家獸臣司原敢告僕夫

晉

女史箴

張茂先

茫茫造化二儀既分散氣流形既陶既甄在帝苞義肇經天

入爰始夫婦以及君臣家道以正而王猷有倫婦德尚柔含
章貞吉婉孌淑慎正位居室施衿結褵慶恭中饋肅慎爾儀
式瞻清懿樊姬感莊不食鮮禽衛女矯相耳忘和音志厲義
高而二主易心玄能攀檻馮媛趨進夫豈無畏知死不佑班
妾有辭割驪同輦夫豈不懷防微慮遠道罔隆而不殺物無
盛而不衰日中則昃月滿則微崇猶塵積者若駭機人咸知
飾其容而莫知飾其性。之不飾或愆禮正斧之藻之克念
作聖出其言善千里應之苟違斯義則同衾以疑夫出言如
微而榮辱由茲勿謂幽昧靈監無象勿謂玄漠神聽無響無
矜爾榮天道惡盈無恃爾貴隆一者墜鑒于小星戒彼攸遂
比心螽斯則繁爾類驩不可以黷寵不可以專。實生慢。極
極則遷致盈必損理有固然美者自美。以取尤治容求好
君子所備結息而絕職此之由故曰翼。矜。福所以興。恭
恭自思榮顯所期女史司箴敢告庶姬

唐

太寶箴

張蘊古

今來古往俯察仰觀惟辟作福為君實難主普天之下處王
公之上任士貢其所求具察陳其所唱是故恐懼之心日弛
邪僻之情轉放豈知事起乎所忽禍生乎無妄固以聖人受
命拯溺身也歸罪於己因心於民大明無私照至公無私親
故以一人治天下不以天下奉一人禮以禁其奢樂以防其佚
左言而右事出警言而入蹕四時調其慘舒三光同其得失故
身為之度而聲為之律勿謂無知居高聽卑勿謂何害積小
就大樂不可極樂極生哀欲不可縱。欲成災。壯九重於內。

所居不過容膝彼昏不知理其臺而瓊其室羅八珍於前所
食不過適口唯狂罔念丘其糟而池其酒勿內荒於色勿外
荒於禽勿貴難得貨勿聽亡國音內荒伐人性外荒蕩人心
難得之貨侈亡國之音淫勿謂我尊而傲賢慢士勿謂我智
而拒諫矜已聞之夏后據饋頻起亦有魏帝牽裾不止安彼
反側如春陽秋露魏二蕩二恢漢高太度撫茲庶事如履薄
臨深戰二慄二用周文小心詩之不識不知書之無偏無黨
一彼此於膏臆損好惡於心想衆棄而後加刑衆悅而後行
賞弱其強而治其亂伸其屈而直其枉故曰如衡如石不定
物以限物之懸者輕重自見如水如鏡不示物以情物之鑒
者妍蚩自生勿渾二而濁勿皎二而清勿汶二而闇勿察二
而明雖冕旒蔽目而視於未形雖趾續塞耳而聽於無聲縱

心乎湛然之域遊神於至道之精知之者應洪纖而効響酌
之者隨深淺而皆盈故曰天之經地之寧王之貞四時不言
而代序萬物無言而化成豈知帝力而天下和平吾王撥亂
戡以智力民懼其威未懷其德我皇撫運窮以淳風民懷其
始未保其終爰述金鏡窮神盡聖使人以心應言以行包括
治躰抑揚詞令天下爲公一人有慶開羅起祝接琴命詩一
日二日念茲在茲惟人所召自天祐之諱臣司直敢告前疑

游箴

韓退之

余少之時將求多能蚤夜以致之今之時既飽而嬉蚤夜
以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意已傳幕中之

辯人反以汝為叛。臺中之評人反以汝為傾。汝不懲邪。而嘔
嗽以害其生邪。

行箴

行與義乖。言與法違。後雖無害。汝可以悔。行也無邪。言也無
顏。死而不死。汝悔而何。宜悔而休。汝惡曷瘳。宜休而悔。汝善
安在。悔不可追。悔不可為。思而斯得。汝則弗思。

好惡箴

無善而好。不觀其道。無悖而惡。不詳其故。前之所好。今見其
尤。從也為比。捨也為讎。前之所惡。今見其戚。也為愧。捨也
為狂。維讎維比。維狂維愧。於身不祥。於德不華。不義不祥。維
惡之大。幾如是為。而不顧。沛齒之尚。少康之不思。今其老矣。
不慎胡為。

知名箴

內不足者。急於人知。需焉有餘。厥聞四馳。今日告汝。知名之
法。勿病無聞。病其曄。昔者子路。惟恐有聞。赫然千載。德譽
愈尊。矜汝文章。負汝言語。乘人不能。揜以自取。汝非其父。汝
非其師。不請而教。誰云不欺。欺以賈憎。揜以媒怨。汝曾不寤。
以及於難。小人在辱。亦克知悔。及其既寧。終莫能戒。既出汝
心。又銘汝前。汝如不顧。禍亦宜然。

宵衣箴

李文饒

先王聽政。昧爽以俟。鷄鳴既盈。日出而視。伯禹大聖。寸陰為
貴。光武至仁。反仄不忌。無俾姜后。獨去簪珥。彤管記言。克念
前志。

正服箴

聖人作服法象可觀雖在宴游尚不懷安汲黯狂色能正不
冠揚阜慨然亦識縹緲四時所御各有其官非此勿服惟僻
為難

罷獻箴

漢文罷獻詔還駮駟鑿輅徐駮焉用千里厥後今主亦能恭
已翟裘既焚筒布則毀道德為麗慈儉為美不過天道斯為
至理

納誨箴

惟后終誨以求厥中從善如流乃能成功漢穆為沉酒舉白浮
鍾魏敷汰侈凌霄作宮惠雖一忤而美不從以視為瑱是謂
塞聰

辨邪箴

居上處深在察微萌雖有諛慝不能蔽明漢之孝昭辱過周
成上書知詐照姦得情燕益既折王猷治平百代之後乃流
淑聲

防微箴

天子之孝敬遵王度安必思危乃無遺慮亂臣猖獗非可遠
數玄服莫辨觸瑟始仆栢谷微行豺豕塞路觀貌獻殮斯可
戒懼

誠懼箴

柳子厚

人不知懼惡可有為知之為美莫若去之非曰童昏昧之勿
思禍土而懼是誠不知君子之懼之乎未始幾動乎微事遷
乎理將言以思將行以止中決道符乃順而起之而獲禍君
子不耻非道之愆非中之詭懼而為懼雖懼焉如君子不懼

為懼之初。

師友箴

不師如之何吾何以成。不友如之何吾何以增。吾欲從師可從者誰借有可從舉世笑之。吾欲取友誰可取者借有可取中道或捨仲尼不生。牙也久死二人可作懼吾不似中焉可師恥焉可友謹是二物用惕爾後道苟在焉備巧為偶道之反是公侯以走內考諸古外考諸物師乎友乎敬爾無忽。

獄箴

張道濟

官有決曹掌茲法獄匪惟議罪亦以防欲所貴仁恕非矜窮東吏苟吹毛人安措足古之為主是戒是勗茫々率土春去々群生賢愚中雜真偽相傾若魚之駭如鳥之驚不能無犯宜持以平或大或小時重時輕無以快志期乎得情孰曰非重

國之政令孰曰非輕人之性命虛則招咎寬則納慶宜慎宜恤可畏可敬為獄則固為牢則幽是嚴管命命夜密更籌寂々々頂土繫々々繫囚求食搖尾見吏垂頭自昔立名此為非所逼隘狹室敞傾漏宇冬有祁寒夏多隆暑焉可失入焉可妄處勿謂無妨勿謂無傷定婦含怨三年亢陽疋夫結憤六月飛霜可以安危可以興亡敢告司憲無輕國章。

兵箴

梁肅

皇道無名帝治有征故效天殺作為五兵曰王及霸功濟天下威實助德伐乃除禍逐鹿于原戰龍在野大寶艱危非兵孰可動如決河靜逾滅火蒼々萬姓懸命在我所行者師所統者德功本乎義不本乎力順之曰聖逆之曰賊成敗存亡鮮不是則衆不足恃勝不足保武王一戎奄有九有紂之百

克其卒無後故長民者先曰我強莫予敢亢尋邑百萬覆乎
昆陽無曰我大莫予敢制陳吳襁袂嬴氏大潰武不可翫之
則必窮兵不可廢之則終凶故曰天下雖平忘兵則危不教
民戰是謂棄之齊桓矜衆九國以離徐偃仁義本邦亦隳傳
美止戈易稱以律古之睿智神武不殺治亂之機繫於抄忽
壯直且順孰云我過旅臣斯箴敢告執鉞

太倉箴

李義山

險哉太倉險若太行彼懸車束馬爲陟高岡此禍胎怨府起
自斗量無小無大不可不防澄陂萬頃不廢汪之火烈人畏
不廢剛腸曷若寬猛處于中央泉穀之地勿言容易貪夫徇
財有死無二御黠馬銜不得不利下或諛我過人之聰是人
其言將欲相龍耳下或誇我秋毫必賭是人其言將欲相鼓長

如欲戰莫拾強弩長如獲禽莫忘縛虎衆人之言有訛有真
如彼五味有甘有辛口自嘗取無信他人天生五色有白有
黑目自別取無爲人惑而況乎九門崇之近在牆東夫視天
聽惟明惟聰問龠合斗斛何以用銅取寒暑暴露不改其容
亦象君子介然居中終日戰慄猶懼或失銜用何利鍛之以
清虎用何縛接之以明弩用何射發之以誠俾後來居上無
由以生有餘不足無由以爭心爲準槩何憂乎不直不平各
敬爾職一迺心力倉中水外人馬勿食陶母反魚以之歎息
豈無他粟豈無他芻蕝艾似珠不可不虞倉中役夫千迺萬
途桀黠爲炭眊盱爲鑪應事成象無有定模綠私指使慎勿
以呼賓朋姻婭或來謙話倉中酒醴慎勿以賞海翁無機鷗
故不飛海翁易慮鷗乃飛去是以聖人從微至者不遺忠恕

借之貧之此門先塞。須防蒼蠅變白為黑。嗚呼孰慮孰圖。昔在漢家倉令。溥于致今少女。上訴無辜。隨身至是不亦悲乎。敢告君子。身可殺道不可渝。

口箴

姚元之

君子欲訥。吉人寡辭。利口作戒。長舌為詩。斯言不善。千里違之。勿謂可復。駟馬難追。惟靜惟默。澄神之極。去其去泰。居物之外。多言多失。多事多害。聲繁則謠音希。則大室本無暗垣。亦有耳。何言者。天成蹊者。李似不能言。為世所尊。言不出口。冠時之首。無掉爾舌。以速爾咎。無易爾言。亦孔之醜。敬之慎之。可大可久。敬之伊何三命。而之慎之伊何三緘。其口助哉。夫子行矣。勉旃。書之屋壁。以代韋弦。

行已箴

李習之

人之愛我。度于義。則為朋。否則為利。人之惡我。思其由。過寧不改。否又何仇。實生怨利。實害德。我如不思。乃陷于惑。內省不足。愧形于顏。中心無他。曷畏多言。唯咎在躬。若市于戮。慢謹自它。匪汝之辱。昔者君子。惟禮是持。自小及大。曷莫從斯。苟遠于此。其何不為。事之在人。昧者亦知。遷焉及已。則莫之思。造次不戒。禍焉可期。書之在側。以作我師。

動箴

皮襲美

動生於欲。行生於為。欲則不妄。為則不疑。吾道未喪于何不之。勿生季世。有爵必危。勿居亂國。有祿必尸。往無市怨。去無取嗤。跡無露顯。名無求知。聲無取猜。譽無致疑。坦道如砥。履過蒺藜。四海如家。去劇繁維。日慎一日。念茲在茲。

靜箴

冥之默。惟道之域。處不違仁。居無悖德。勿欺孩孺。衣冠失則。勿慢皂隸。語言成隙。深山雖樂。豺狼爾極。深林雖安。虺蜴爾螫。居不必野。惟性之寂。止不必廣。惟心之適。勿傲乎名。要乎聘帛。勿矯乎節。取乎祿食。躬雖已安。若敵鋒鏑。味雖已甘。若含冰蘖。成吾高風。惟靜之力。

暗室箴

歐陽行周

夫行以檢身。非以為人。無滯無佚。其處宜一。致之碩人。冥之暗室。罔縱爾礼。罔輕爾質。遠茲小惡。念彼元吉。勿謂傍惟上。蓋天鑒無外。勿謂後掩前。苟神在無形。天不長隱。神實正直。神怒天誅。未始有隱。昔者趙盾。假寐矜莊。天迴厥害。鋤倪已云。又有符堅。竊為制度。神敗其類。蒼繩以呼。天窺神窺。人無不知。神忿天忿。身無所隱。澗松抱節。幽蘭以薰。歲寒不變。人亦如之。木猶爾人。其曷云戒。慎乎其所不見。恐懼乎其所不聞。此師有言。敢告夫君。

自箴

元次山

有時士教元子顯身之道曰。于時不爭。無以顯榮。與世不佞。終身自病。君欲求權。須曲須圓。君欲求位。須姦須媚。不能此為窮賤。勿辭元子對曰。不能此為乃吾之心。反君之言。作我自箴。與時仁讓。人不汝上。處世清介。人不汝害。汝若全德。必求必直。汝若全行。必方必正。終身如此。可謂君子。

縣令箴

古今所貴者。士之官。當其選授。何嘗不難。為其動靜。是人禍福。為其嗔喻。作人寒燠。煩則人怨。猛則人懼。勿以賞罰。因其喜怒。太寬則慢。豈能行令。太簡則踈。難與為政。既明且斷。直

焉無情清而且惠。果然必行。或曰：開由上官。事不自我辭讓而去。有何不可。誰欲字人。贈君此箴。豈獨書紳。可以銘心。

視聽箴

沈顏

人一其視而不一其明。故目有時盲。人一其聽而不一其聰。故耳有時聾。蓋目之盲由物亂其睛。耳之聾由聲惑其聰。且玉者咸知其玉也。石者咸知其石也。砥砩亂焉。宮者咸知其宮也。商者咸知其商也。而鄭衛惑焉。夫人者孰欲棄真而取偽。背正而歸邪。諒視不詳而聽不審。耳俾視不詳而聽不審者。豈不以砥砩鄭衛之故乎。吁。天下之大。萬物之衆。其亂目惑耳者。非特砥砩鄭衛而已。則知非聖賢其不惑於視聽者。稀矣。

瑞箴

孫朴

國之將興。妖不足。憑國之將亡。瑞不足。良。四靈之長。莫極於龍。夏德將衰。曷降雌雄。桑穀生朝。殷道復昌。麟出豈妖。孔氏云亡。周公相周。越裳獻雉。安漢相漢。越裳復至。白魚躍舟。鸞鷲鳴岐。殷人聚喜。周人聚悲。素靈夜哭。五星聚緯。秦謂之妖。漢謂之瑞。彼瑞此妖。顛倒如是。妖至而防。瑞至而狂。恃物滅德。未或不亡。我作此箴。敢獻哲王。

縣命箴

古之奇

咨爾多士。各司厥官。政不欲猛。刑不欲寬。則人慢。猛則人殘。寬則不濟。猛則不安。小惡無為。洧流成池。片言可用。毫末將拱。禍既有胎。德豈無種。鏡不自照。祇能鑑物。人不自知。從諫勿拂。愆不可縱。貨不可黷。貨生災。愆縱禍。速勿輕。小人蜂。蠆有毒。勿輕小道。犬事可覆。勿謂剛可長。剛者亡。無謂

蹄之涿吾浪之而沾襟吁與其丹青木草豈若丹青乃身燁
有文藻與其丹青馬牛豈若丹青爾德倬為鸞由聖有周孔
賢有孟韓孝有曾子忠有比干清和夷惠德行閔顏夔呂伊
尹其立桓二蕭張房杜蹇峭直端其人雖死千載如存想其
行事英風夏寒容采日月德音琅玕爾以筆傳人神徒耳鼻
衣冠豈若心傳聖賢高蹈遠攀爾以手寫虫鳥徒口喙羽翰
豈若筆寫六經往行前言傳之于墨之文則慢傳之于心之
文益丹繪之于帛之裂則殘繪之于身之死不刊汝嗜于畫
其名日利汝嗜于學其德日完嗟夫易汝嗜畫之心為嗜學
之心聖賢何難汝聽吾言馨如芝蘭擲膠折筆無污輕統

端拱箴

王元之

天生蒸民司牧開物成務膺圖授錄為君實難惟辟作
禍在以欲而從人不以人而從欲位既尊大時惟開泰漸忘
焦勞或生憊怠乃有諫諍乃陳箴誠箴誠惟艱斥君之過諫
諍惟艱救君之禍君或好諫臣何不忠臣或尺忠君何不從
君臣之義今古攸同普天之下人誰不賓如父如母為受為
臣覆之則雖撫之則親是以王者可畏惟民率土之濱物何
不足乃辱乃具惟性惟玉寒不被體餒不充腹是以聖人所
寶惟穀無侈乘輿無奢宮宇當念貧民室無環堵無崇臺榭
無廣陂池當念流民地無立錫御服煌煌有采有章一裘之
費百家衣裳御膳郁二有梁有肉一食之用千夫口腹勿謂
豐財經費之竭須知府庫聚民豪血勿謂強兵征伐不息須
知千戈言民為獨賞罰者國之大柄喜怒者人之常刑賞雖
由已勿因喜而刑罰雖在我勿因怒而刑喜賞或濫貶擯天

鑒怒刑不正。臣人命大臣元老。經邦論道。裨補聰明。于何不照。樂成。壽所以為其師友。小臣闕官。執巾沃盥。干議政事。于何不亂。豎刁易牙所敗其國家。孰為君子。先人後已。信而用之。斯為至理。孰為小人。害物謀身。察而斥之。斯為至仁。無好人。或虛誕喋喋之言。侈而多訕。無惡人。訥或有淳質期二之口。直而不屈。淳圖之教。乃戎乃蕃。漢明之際。始入中原。行之既久。存而勿論。匈奴之種。無義無仁。秦皇之後。常苦邊塵。禦之以道。蹊而勿親。計口授田。兼井何有。是謂仁政。及于黔首。約人署吏。侵漁則少。是謂能官。忠子無告。父天母地。日兄月姪。乃郊乃禋。勸其孝悌。左輔右弼。前疑後疑。一舉一動。戒其驕矜。罔或明察。或休用。傷罔或弛。秦國經一。張行乎大中之道。漸乎無何之鄉。游神乎簡易之域。息庸乎清淨之場。斯則妙有垂之。無疆。誰謂古道革而不還。君或行之。是亦非難。誰謂淳風去而不返。君或繼之。是亦何遠。慎始則多克終。蓋鮮朽索當手。覆車在眼。庸之祗之。兢之戰之。小臣司箴。敢告旒冕。

心箴

范茂明

名茂。夔州人。

茫々堪輿俯仰無垠。人於其間。眇然有身。是身之微。太倉稊米。參為三才。曰惟心耳。往古來今。孰無此心。二為形役。乃獸乃禽。惟口耳目。手足動靜。投間抵隙。為厥心病。一心之微。衆欲攻之。其與存者。嗚呼幾希。君子存誠。克念克敬。天君泰然。百體從令。

勿齋箴

真希元

天命之性。得之者人。人之有心。其孰不仁。人而不仁。曰為物。

後耳蕩於聲。目眩於色。以言則肆。以動則輕。人欲放紛。天理晦冥於焉。有道禮以為準。惟禮是繇。匪禮勿徇。曰禮伊何理之當然。不雜以人。一循乎天。勿之為言。如防止水。孰其尸之。曰心而已。聖言十六一字其機。二牙既幹。鈞石必隨。我乘我車。馬交驥。孰範其駢。維轡在手。是以君子必正其心。翼之兢。不顯亦臨。萬夫之屯。一將之令。霆錡飀馳。孰敢奸命。衆形役之。統于心官。外止弗留。內守愈安。其道伊何。所主者敬。表裏相維。動靜俱正。莠盡苗長。醅化醴醇。方寸盎然。無物不春。惟勿一言。萬善自出。念茲在茲。其永無斁。

思誠齋箴

誠者天道。本乎自然。誠之者人。以人合天。曰天與人。其本則一。云胡差殊。蓋累於物。心為物誘。性逐情移。天理之真。其守幾希。豈惟與天。貌不相似。形雖人斯。實則物只。皇之上帝。命我少人。我顧物之。抑何弗仁。維子思子。深憫斯世。指其本原。祛俗之蔽。學問辨行。統之以思。擇善固執。惟日孜孜。狂聖本同。其忍自弃。人十已千。弗至弗已。雲披霧卷。太虛湛然。塵掃鏡空。清光自全。曰人與天。既判復合。渾然一真。諸妄弗作。孟氏繼之。命曰思誠。更兩鉅賢。其指益明。大哉思乎。作聖之本。歸而求之。實近非遠。

調息箴

朱仲晦

鼻端有白。我其觀之。隨時隨處。容與倚移。靜極而虛。如春沼魚。動已而喟。如百蟲蟄。氤氳開闔。其妙無窮。孰其尸之。不宰之功。雲卧天行。非予敢議。守一處和。千二百歲。

敬齋箴

正其衣冠尊其瞻視潛心以居對越上帝足容必重手容必恭擇地而蹈折旋蟻封出門如賓承事如祭戰兢罔敢或易守口如瓶防意如城洞二屬三毋敢或輕不東以西不南以北當事而存靡他其適勿貳以二勿參以三惟精惟一萬變是監從事於斯是曰持敬動靜弗違表裏交正須臾有間私欲萬端不火而熱不冰而寒毫釐有差天壤易處三綱既淪九法亦斁於乎小子念我敬我墨卿司戒敢告靈臺

元

綱齋箴

鄧善之

維古哲人德美內植揚休弗矜及躬藏密在易坤厚含章可貞明夷莅衆用晦而明善欲淵潛志無術飾辟諸揚孽身之則彼夸毗者內視飲如酒崇德以眩群愚鼓鍾有聞

慎獨箴

安熙

可尊者德可畏者天無處不有無時不然念慮之發必有其幾勿隱其隱勿微乎微從事於斯是曰慎獨自此精之萬物並育豪髮有間天理弗存利欲紛拏厥心則昏於乎戒哉敬作此箴書諸座隅以警其心

國朝

順齋箴為夏仲珩作

劉基

二儀茫。繫理是物判以兩途。維逆與順理之所在。漠乎無形。曷予求之。即事以明。利劍吹毛。不柄之持。北轅適粵。徒勞何為。堯舜理物。因利除惡。鮫埋洪水。舜倫攸斲。勢順則疆氣順。則舒。天地順動。百度弗渝。待時而行。處順以守。君子作箴。敢告左右。

守口如瓶箴

維人有口。瓶亦有口。瓶口弗守。喪厥受人。口弗守。速厥咎。口乎。口乎。其禍福之門。而一身之樞紐乎。人有瓶也。尚克固之。胡然有口。而不知度之。維言如泉。維口如隄。有出弗稽。為河為谿。激石揚泥。追不可回。故曰好言自口。莠言自口。又曰君子無易由言。耳屬于垣。守如如瓶。永矢勿護。

設齋箴

梁寅

惟弓之良也。斯學之方也。幹筋角具。質之剛也。絲膠漆堅。製之臧也。其猶資之具。奮勵以強也。既張而盈。體有常也。既盈而圓。月而望也。其猶學之勤。緝熙以光也。然則設之何以乎。張而不弛。其終必渝。弛而不張。必輟。其趨宜張弛之以時。矢棘直而相須。尤必內志之正。外體之直。然後志之無不如故。君子之學。先明諸心。後求其至。唯中之是用。唯義之與比。無它岐之惑。無衆欲之蔽。斯其合夫弓之設。而秉心之不忘者也。

學箴

楊士奇

玉之成器。磨琢以治。木之中材。斲于工師。君子之德。匪學弗至。為學有方。主敬集義。心為源本。存養乎中。靜專統一。貫于

始終五常百行有物有則究其當然以臻于極理欲之幾善惡攸判省察克治隱微不間前言徃行我求孳孳。自古哲人誰非我師以朝以夕以思以蹈賦受匪殊克勤斯造蒙泉出山其流如帶行而不息造海之大勉旃自疆履用吾誠以達于成以承所生。

博文齋箴

胡儼

猗歟人心萬理咸具理有未窮知有未至昭茲大猷布在方策研精覃思古訓是力聞一知十顏氏庶幾乾二夕惕罔敢怠嬉仰觀俯察旁搜遠覓毋迷康莊而趨險巇毋作聰明以遺厥則毋曰余聖以荒荒德服勤于稽乃獲有秋鑿井及泉而源二弗休精粗本末一以貫之惟謙受益匪徒訑。齋居靖深式燕以處輔仁司益敢告君子。

漢部刺史箴

王禘

漢繼古帝承秦紹周郡國有守視古諸侯用以理民之用得職宣化承流以輔皇極流塞化梗民則愁歎孰其作非使我民怨乃稽古制乃任牧伯乃置刺史督察郡國孰為督察奉詔六條依條以按有罪孰逃厥秩六百厥負十三匪輕匪簡是臨是監維時郡國有不嚴憚望風懷警撫職知勸頌維刺史其責孔艱何以自獻亦有瞽言惟皇憲天冒下惟仁同仁一視作天下君之子民必務矜惻被以漏泉莫以盤石俯垂清問虞舜之賢視之如傷姬文則然自古哲王為官擇人曷為擇人凡以為民君則仁矣臣職乃修臣職之修斯民之休維聖有言民惟邦本牧臣司憲敢告旒袞。

養蒙齋箴

黃淮

若人力學。罔不在初。誠否攸判。聖愚殊途。勿陷於險。勿傾以
頗。養之斯存。貞吉永圖。

友恭堂箴

周忱

吾兄吾弟。吾父母之子。分形同氣。實惟一體。如之何其。乃邈
然而彼此。盍觀幼時。衣則傳服。食則同几。其父母之保。携抑
奚有於私已。柰何長也。各妻其妻。各子其子。分門割戶。若秦
越人之相視。噫。仁義之性。本乎天畀。遐則闇而不明。弃天倫
猶敝。徒故常杖之詩。賦於周公布粟之謠。書於漢史。田家之
復合。其義可嘉。姜氏之同衾。其名莫比。卓彼名宗。有賢後裔。
弟克恭。允克友。弟既翁洽於一堂。復貽謀於後世。肆予小
子。仰瞻敬只。願其力於行。慎勿怠以止。勉旃。勉旃。慎終如始。

文翰類選大成卷第一百九贊目錄

漢

班孟堅三首

晉

夏侯孝若一首
嵇君道一首
袁彥伯一首

宋

范蔚宗一首

唐

梁肅一首
李遐叔二首
蘇茂挺一首
李太白二首

李文饒一首
呂和叔三首
柳子厚三首
韋渠中一首

裴中立一首
李翰一首
獨孤至之一首
潘存實一首

白樂天三首
陸魯望一首
釋皎然一首

宋

蘇子瞻十首 黃魯直三首 朱仲晦四首 張敬夫一首

真希元一首

元

王盤一首 劉夢吉二首 虞伯生四首 歐陽原功二首

吳幼清二首 蕭軒一首 程文海一首 李洞一首

李繼本一首

國朝

劉基二首 宋濂四首 王禕二首 解措二首

朱繼善一首 黃淮三首 楊士奇三首 胡儼二首

楊榮八首 周忱二首 李時勉一首 陳敬宗二首

文翰類選大成卷第一百九

左長史上海李伯璽編輯

紀善慈谿馮厚校正

贊類

漢

述高紀贊

班孟堅

皇矣漢祖。纂堯之緒。寔天生德。聰明神武。秦人不綱。網漏于楚。爰茲發迹。斷蛇奮旅。神母告符。朱旗乃舉。粵蹈秦郊。嬰采稽首。革命創制。三章是紀。應天順民。五星同晷。項氏畔換。黜我巴漢。西土宅心。戰士憤怨。乘釁而運。席卷三秦。割據河山。保此懷民。股肱蕭曹。社稷是經。爪牙信布。腹心良平。恭行天罰。赫赫明明。

述成紀贊

孝成皇皇臨朝有光威儀之盛如珪如璋閩闡恣趙朝政在王炎炎燎人光允不揚

述韓英彭盧吳傳贊

信惟餓隸布實黥徒越亦狗盜芮尹江湖雲起龍驤化為侯王割有齊楚跨制淮梁維自同閔鎮我北疆德薄位尊非祚惟殃吳克忠信胤嗣乃長

晉

東方朔畫贊

夏侯孝若名湛為中書侍郎

矯矯先生肥遁居貞退不終否進亦避榮臨世濯足希古振纓澗而無滓既濁能清無滓伊何高明克柔能清伊何親汗若浮樂在必行處儉罔憂跨世陵時遠蹈獨游瞻望往代

文翰類選大成卷第一百九

左長史上海李伯璽編輯

紀善慈谿馮厚校正

贊類

漢

述高紀贊

班孟堅

皇矣漢祖纂堯之緒寔天生德聰明神武秦人不綱網漏于楚爰茲發迹斷蛇奮旅神母告符朱旗乃舉粵蹈秦郊嬰采稽首革命創制三章是紀應天順民五星同晷項氏畔換黜我巴漢西土宅心戰士憤怨乘釁而運席卷三秦割據河山保此懷民股肱蕭曹社稷是經瓜牙信布腹心良平恭行天罰赫赫明明

述成紀贊

孝成皇皇臨朝有光威儀之盛如珪如璋闐闐恣趙朝政在王炎炎燎人光允不湯

述韓英彭盧吳傳贊

信惟餓隸布實黥徒越亦徇盜芮尹江湖雲起龍驤化為侯王割有齊楚跨制淮梁縮自同閑鎮我北疆德薄位尊非祚惟殃吳克忠信胤嗣乃長

晉

東方朔畫贊

夏侯孝若名湛為中書侍郎

矯矯先生肥遁居貞退不終否進亦避榮臨世濯足希古振纓澗而無滓既濁能清無滓伊何高明克柔能清伊何視汙若浮樂在必行處儉周憂跨世陵時遠蹈獨游瞻望往代爰

想遐蹤邈々先生其道猶龍染迹朝隱和而不同栖遲下位聊以從容我來自東言適茲邑敬問墟墳企佇原隰墟墓徒存精靈永戢民思其軌祠宇斯立徘徊寺寢遺像在圖周旋祠宇庭序荒蕪楹棟傾落草萊弗除肅々先生豈焉是居是居弗形悠悠我情昔在有德罔不遺靈天秩有禮神監孔明彷彿風塵用垂頌聲

莊周贊

嵇君道

名含堯立人中書侍郎

邁矣莊周天縱特放大塊授其生自然資其量器虛神清窮玄極曠人偽佞季真風既散野無訟屈之聲朝有爭寵之歎上下相陵長幼失貫於是借玄虛以助溺引道德以自獎戶詠恬曠之辭家畫老莊之像今王生沉淪名利身尚帝女連耀三光有出無處池非岩石之溜宅非茅茨之宇馳屈產於

皇衢畫效象其焉取嗟乎先生高迹何局生處岩岫之居死寄彫楹之屋託非其所沒有餘辱悼大道之湮晦遂含悲而吐曲

三國名臣贊 袁彥伯 名宏陳郡人康郡守

火德既微運纏大過洪飈扇海一溟揚波虬虎雖驚風雲未和潛魚擇淵高鳥候柯赫之三確並回乾軸競收杞梓爭采松竹鳳不及栖龍不暇伏谷無幽蘭嶺無亭菊英之文若靈鑒洞照應變知微探賸賞要日月在躬德之彌曜文明映心鑽之愈妙滄海橫流玉石同碎達人兼善廢已存愛謀解時紛功濟宇內始救生人慈明夙察公遠潛朗思同著蔡運用無方動攝羣會爰初發跡遠此顛沛神清玄定處之彌泰惜惜幕裏筭無不經疊疊迴韻跡不暫停雖懷赤壁前西連城

知能拯物愚足全生即中溫雅若識純素貞而不諂通而不

固恂恂德心三執度志成焉若道教歲暮仁者必勇德方

有言雖神氣恬然行跡無愆操不激切素

風愈生體正心猶字高疑忠存軌跡

義形樹芳蘭剪除上時不容拾琅琅先

生雅名錐遇塵霧猶極道消碎此明月景山

與道合形器不存和而不同通而不雜遇

不醒貽答長文通然始思戴元首擬伊同恥

德懼若在己嘉謙盈耳玉生雖麗光不踰

把微道映天下淵年量高雅器範自然標唯無

身由直跡洿必偽難理存則易萬物波蕩孰任

其累六合徒廣容身庶若親自然匪由名教教授既同情

禮兼到烈烈王生知死不撓求仁不遠期在忠孝玄伯剛簡
大存名軀志在高標增堂及陞端委虎門正言彌啓臨危致
命盡其心禮堂堂孔明其字宋遜器同生民獨稟先覺標榜
風流遠明管樂初九龍盤雅志彌確肯六道喪于戈迭用荷
非命世孰掃雲宗子思德廣言解控釋褐中赫鬱為時棟
士元弘長雅性內融崇等公視始知終喪亂備矣勝陰未
隆先主標之振起清風細細哲后無憂惟時夙夜匪懈義在
緝熙三略既陳霸業已基公瑛殖德不忘中正豈曰模擬實
在雅性亦既羈勒負荷時公已久而可敬公衡冲達
素心淵潔始茲一人臨難不為昔不造假翻鄰國進能徽
音退不失德六合紛紜民心將變鳥擇高梧臣須顧躬公瑾
英達初心獨見披草求君定交一面桓桓魏武外此豈遠志

掩衡霍恃戰忘敵卓卓若人曜音赤壁三光參分宇宙乾坤
子布擅名遭世方擾撫翼桑梓息有江表王略威夷吳魏同
賢遂獻宏謨匡此霸道桓王之薨大業未純把臂託孤惟賢
與親輟哭止哀臨難忘身成此南面定由老臣才為世出世
亦須才得而能任責在無猜昂昂子敬接跡草萊荷擔吐奇
乃構雲臺子瑜都長軀性純懿諫而不犯正而不毅將命公
庭退忘私位豈無鵠鷁固慎名器伯言蹇蹇以道佐世出能
勤功入能獻替謀寧社稷解紛挫銳正以招疑忠而獲疾元
歎穆遠神和形檢如彼白珪質無塵玷立上以相匡上以漸
清不增潔濁不加染仲翔高亮性不和物好是不羣折而不
屈屢摧逆鱗直道受黜歎過孫陽放同賈屈誅誅衆賢千載
一遇整轡高衢驥首天路仰挹玄流俯弘時務名節殊途雅

致同趣。日月麗天。瞻之不墜。仁義在躬。用之不匱。尚想遐風。載托載味。後生擊節。懦夫增氣。

宋

光武紀贊

范蔚宗

炎政中微。大盜移國。九縣懸迴。三精霧塞。民獸淫詐。神思反德。世祖誕命。靈貺自甄。沈機先物。深略諱文。尋邑百萬。貔虎為群。長轂雷野。高旗華雲。英威既振。新都自焚。度劉庸代。紆梁趙三河。未澄四關。重擾神旌。乃顧。虎行天討。金湯失險。車書共道。靈慶既啓。人謀咸贊。明之廟謀。起之權斷。於赫有命。系我隆漢。

唐

四皓贊

梁肅

去矣其意。豈樂並逐。鳶鳳何依。白雲深谷。英之南山。采之紫芝。漢以劔起。吾誰與歸。枳心化元。澹泊無為。禮物雖至。先生默而惟。彼貞石確。不可轉儲。皇不安我。德用顯大。君是驚惠。位是寧。四公屈身天下。和平。弋者何思。鴻飛冥冥。

二孝贊

李遐叔

厥初生人。有君有親。孝於親者為子。忠於君者為臣。兆自天命。降成人倫。背死不義。忘生不仁。愚及智就。為之禮文。禮文不能節其哀。繫道德之元純。至矣侯氏。創鉅病殷。手足胼胝。成此高墳。蔬果為食。茅蒲為首。其奉也敬。其生也貧。犬漢黃沙。空山白雲。栢庭既夕。松路未晨。寇戎接境。豺狼成群。夜黑。騰動如臨。鬼神哭無常聲。迥徹蒼冥。風雨漂搖。支體鱗皴。色慘。義蒿聲酸。棘薪。其斬二年。尔獨終身。邑子程生。其哀也均。

顧後絕配瞻前無鄰冬十一月河水塞津吾將吊之其路無
因寄誠斯文揮涕河濱

四皓後贊

時濁代危賢人去之商洛深山鸞鳳潛飛漢以霸興皇王道
衰玉帛雖至先生不歸吾非固然可動而起龍眉皓髮來護
太子至尊動容奪嫡心已四賢暫在天下定矣返駕南山白
雲千里。

雙白鷹贊

蘇茂挺

鷹之大者精明踈峻勁而橫絕雄則遠振錦文素綵珠聯玉
潤往乃奮威將軍所徇鷹之次者勇銳光芒截海而至乘風
載揚絡以紅點文其綵革下韝必中惟吏之良

李居士贊

李太白

至人之心如鏡中影揮斤萬變動不離靜彼質我斤揮風是
騁了物無二皆為匠郢吾族賢老名喧寫真貌圖粉續生為
若塵後白得衰與天為鄰儼然不語長存此身

金鄉薛少府願畫鶴贊

高堂閑軒兮雖聽訟而不擾圖蓬山之奇禽想瀛洲之縹緲
紫頂煙飛丹眸星皎昂然佇胎霍若鸞矯形留座隅勢出天
表諸長鳴於風霄終寂立於霜曉疑翫益古俯察逾妍舞疑
傾市聽似聞絃倘感至精以神變或可弄景以浮煙

唐武宗皇帝真容贊

李文饒

唐運中興天授大君軒耀其武堯煥其文北伐檢狝漢朔無
氛西伏堅昆稽首稱臣後生壺關盜起河汾沈機先物雄斷
解紛克定群虜竟全大勳八表既寧萬機益勤爰命采續載

模天真崑閩仙岑峻極秋旻蓬瀛白日光照清晨涵育如天
尊嚴若神輝赫絢緼為龍為雲聖作物覩禎祥以臻宣光乃
孕虞熙載甄政建中和金聲玉振太階既平廟器乃陳化下
以德持盈以仁四瀆宗海衆星拱辰億萬斯年藻朗日新

凌煙閣勳臣贊二十四首

呂和叔

河間元王孝恭

太極構天本由一氣大人創業資我族類堂之河間仁勇是
經道駿有聲為唐宗英暴隋天亡群盜猖狂我伐用張時維
哲王武有烈光為瓜異肺腸經綸八方自南徂東晏海澄江
使父兄帝天下化家為邦用竭尔力寵臻其極言不伐色不
德必遜以默柔嘉維則在在道遠大勛如周日顛與大宗守
大成如漢圖平宜君宜

房梁公元齡

梁公先覺龍臥待君長慧流光掃天布新義師雷與公躍其
鱗杖策千里來謁帝閭婉婉梁公實懿實聰實公實融羽義
翼忠若鶩若鴻大風動地儒服從容靜運曾中弛張折衝左
右太宗夷屯廓蒙定高祖功告武成翊開太平我雖忘勞
時靡有爭網羅遺賢推轂群英玉不韜輝蘭無沈馨飛鴻出
真振鷺在庭濟濟多士太宗以寧公無事矣闕袞有補惟仲
山甫經營四方方叔召虎大邦鈞軸至則委汝閑居台輔搗
默自處亦莫敢予侮高朗令終嗚呼梁公

杜萊公如晦

穆之萊公奇資粹靈蘊元和氣為大國楨乘時恢能唐室大
開故人相携直上大階更為陰陽迭作日月佐明四海蒼有

萬物王度是欽如玉如金德音情之萬有千古永稱房柱如周申甫

魏鄭公徵

堂之魏公崇節大志喬幹直聳摩天自致遭風雲時得霸王器一言委質有死無二撫我則后各盡其志沈浮變通龍戰既息皇建其極俾補衮朕其繩則直諤之寢之危言正色保太宗德弼遠替否日月不蝕黜漢霸雜行周王道入或有言秉德不撓禮興樂崇德合道豐保合太和昭明有融起四年中復三代風言出化成神或厥功伊躬在商有恥于湯公以其志匡飭聖唐為唐宗臣致唐無疆永式萬邦

長孫趙公無忌

趙國之先發祥朔土乃祖乃父受天之祐為天下父有子而賢為唐室輔聖賢同氣千載一觀不顯趙公允文允武克忠克仁實有大勳高祖受命太宗歸尊翼之乾之恪居于藩群孽亂嗣爭窺神器鴻業將墜公揭大義一匡天地入到于今家受其賜帝將傳聖爰有顧命汝患汝誠莫與汝京志我聖子守唐太平公相高宗有太宗遺風刑措財豐八荒來同和氣大融妖星襲月衲起中宮公將正之以王帝躬力屈群邪誠阻天聰默非其由令問無窮

唐昔只公儉

歲寒陰凝冰雪皚皚有鳥擇木先陽春來誰歟昔公王佐之材間運未開登潛龍臺代萬姓請命與天為媒拔龍而興振起雲雷權輿帝圖經始唐基始覆一篲勃焉巍之易失者時難知惟幾知幾其神昔公元勳

劉渝公政會

河出崑崙來潤中夏連山含沓橫擁其派巨靈勃然手摩太
華決注東海功平造化粵我聖君將舉晉陽帝命是將往拯
溺于四方亦既載旆亦既秉鉞強兇當路拒不得發渝公慷
慨感義激節用奇制變大事立決雷奮霆越天衢八達則莫
我敢遏如巨靈破山河勢始豁赫矣渝公志神齊烈跡如仙
掌烟之不滅

李衛公靖

有隋之末群盜熾熒帝怒震發五星從太白煥照參野將有
聖人兵定天下金精下射猛毅感激李公矯々從此奮跡躍
于中原王者則獲壯士不死唐威載赫帝曰汝傑致天之罰
手付金鉞俾徃式遏不庭則殺如臨發々如火烈々摧枯樂
雪應鼓如截遠若荆巫險若江湖強若匈奴莫不率從莫不
震恭車書混同氛侵蕩空衛戾之功功則維何威明惠和策
勇駕智長驅仁義仁義曠蕩帝王之將萬古曷瞻鐵山嶼々

李英公勳

橫流莫極大乱無象英公傑出應運為將志越々霸志漢々
王天時人事隨我所向長蛇縱蠱東據河洛焚々封豕來濟
同惡號吼連聲如雷如霆萬里震驚時維英公諒我太宗斬
豕以鉞取蛇于穴羣穢殄滅乃定九鼎乃開明堂奄有六邦
金甲同光告成于王皇業用昌帝命英公北伐檢狁雷鼓殷
殷旌頭幾殞掃雲黑山布唐陽春五原草綠不見南牧島夷
未庭天子親征其鋒維英莫拒莫抗是震是蕩破東海浪天
下既和解鞍投戈遠服委他華髮儲々終始三朝無玷可磨

劉夔公弘基

夔公崢嶸。金虎之精。應時而生。志運俱行。捨帝元戎。震唐天
聲。瞋目張膽。前無金城。別建龍節。中分虎旅。啓行萬里。乘氣
一鼓。劔揮雷庭。旆卷風雨。先馳咸陽。鎮定天府。天府既定。唐
集大命。入揚王庭。出摧兵柄。薄伐獫狁。朔風不競。徂征島夷。
東海如鏡。義始忠卒。元勛之盛。

長孫邳公順德

泰山未明。雲鬱幽崖。日觀赫開。舒為丹霞。昔我太宗。賢傑潛
中。帝出于震。爛其為門。邳公炳焉。實耀其間。功參造物。謀協
先天。執父前驅。捧轂南轅。以勞以舊。佐命之元。

虞永興公世南

英之永興。華德素行。以文富國。以道佐命。天下既定。為唐

宗東觀石渠。始生古風。乘精繹思。假道書圃。駉馳百代。出入
三古。問羲黃心。聽堯舜語。歸來帝則。獻可替否。帝告永興。志
鴻儒之倫。闡六籍三墳。建樂章禮文。先師是宗。於廓辟雍。辟
雍沉沉。天子所臨。或絃或歌。講古述今。其後八千。纓弁森
。猶猶羞髮。咸詠德音。羽林孤兒。亦垂青衿。洋洋聲教。無遠不
暨。日月所照。皆成文字。鬱開古始。掃蕩澆季。實我群儒。成大
宗之志。英之永興。宜曰文懿。

尉遲鄂公敬德

先之鄂公。百鍊龍泉。沈鬱未宣。氣衝斗間。佩非其人。躍入大
川。神武獲焉。提之上天。天地之內。指麾無前。熊威虎力。隱若
敵國。剛毅木訥。安劉必勃。武德之屯。手拔神根。掃除氛昏。捧
出日月。耀于天門。功成名遂。高謝戎事。烈之猛志。化為和氣。

深地高堂。願性保命。胥瓊飲露。靜奏清商。商為臣。勸事君。鄂公之志之仁。

蕭宋公瑀

隋氏不君。忠賢莫用。桐生朝陽。有集惟鳳。捨彼頽厦。鬱為新棟。路車玄衣。開國有宋。武德之暮。群孽內蠹。魏宋公。僭節高步。不吐不茹。不來不去。屹岫中立。為天一柱。後容而言。社稷遂安。持誠秉忠。光輔一君。激濁揚清。欲人如身。道至履義。放羣境至。大不容纖塵。雪山倚空。冰壑照人。耿介絕倫。為唐貞臣。

張郊公公謹

有倬郊公。屹々而貞。佚々而仁。實太宗信臣。有宗守藩內難。未夷圖之。則安捨之。則危。帝臨安危。機以懼以疑。以著為先。知是筮是咨。郊公疑然。排蓬折茅。不憤正詞。用人事。定天意。身為元龜。不知不識。順帝之則。以定社稷。郊公之力。公之云。亡帝念其勤苦。痛在身。天懷發中。哭不避辰。君臣之間。夔古未聞。

屈突通

五運相推。土火並期。隋化為唐。忠臣不知。猶駟義徒。奮拒正師。指心誓天。摩頸待時。人歸有德。四海皆叛。春日滿川。流水未泮。亡家徇國。方寸不乱。力屈勢窮。排空落翰。東南勸哭。聲盡魂斷。伏忠就禽。萬國瞻漢。帝曰。尔通古之烈士。孝于其親。誰不欲手。俾候于將。授以師紀。感恩不死。宣力如彼。佐唐扶隋。名教之美。

高申公士庶

維岳降神。佐唐生申。忠貞自天。孝友如春。德為邦基。仁厚人倫。肅之雍之。真王者臣。慶因歸妹。光延天配。婚媾之中。雲龍潛會。建功南海。廓我無外。諒我撥亂。弼文開泰。遏彼庸蜀。存鍾澆季。文翁之化。若掃于地。申公攸祖。有教無類。父子兄弟。望風相規。勃興儒雅。大復禮義。西南頌聲。到今不墜。名登元勳。理冠群吏。全材大器。於爍厥懿。

殷鄖公開山

溫之殷公。初若懦夫。銅印試吏。褒衣為儒。大風駟雲。忽焉之俱。遭逢真宰。參造化謨。天地既開。厥功有赫。從王龔行。佐帝光宅。遠展騏足。高揮鳳翮。以永終譽。垂于竹帛。

秦胡公叔寶

洛灼之役。龍戰未決。秦公應變。臨陣電掣。銳氣盡來。我盈彼竭。成敗反掌。存亡奄忽。虎來風壯。鼉轉山沒。遂作心營。爰從討伐。崩圍陷陣。火迸冰裂。翕若鸚聲。縱若鯨突。功成國定。萬古壯骨。

程盧公知節

盧公倬然。動軼幾先。轉自為福。攀龍上天。續翮鵬翼。積風乃自。桓之將軍。大敵則勇。雷崩山谷。貌虎頓伏。颯倒溟波。鯨鯢蹉跎。見危而進。當死不讓。干城三朝。身老氣壯。

段褒公志玄

褒公亮臣。先運而臻。謁帝太原。許唐與身。擁劍駕氣。騰風躍雲。積忠累仁。光有厥勳。建旄北伐。細柳宵屯。風謐霜凝。嚴扃達晨。夫子之使。駐車軍門。安衆秉威。比真將軍。旆之相之。克壯有聞。

許譙公紹

群動相食並流中原。譙公夷陵射虎為鄰。列境連城火炎煙
昏。皎其一邦。如玉不焚。三光忽開。萬象皆新。誰有天下平生
故人。引忠歸誠。豹變蠖伸。金石之契。移為忠臣。弈之煌。為
龍為光。元戎啓行。大旆夾之。式遏大江。奄征南方。恩斯勤斯
兩不可忘

張荊州畫贊

唐有棟臣。往矣其邈。世傳遺像。以竟後學。德容恢曩。天骨峻
擢。波澄東溟。日照泰嶽。具瞻崇之。起敬起忠。貌與神會。凜然
生風。氣蘊逆鱗。色形匪躬。當時曲直。如在胷中。緼鱗初脫。激
海以化。羊角巾頽。摩天而下。無喜無愠。亦如斯畫。嗚呼為臣
敬爾夙夜。

伊尹五就桀贊

柳子厚

聖有伊尹。思德於民。往歸湯之仁。曰仁則仁矣。非又不親。思
其速之道。宜夏是因。就焉不可復反。毫殷猶不忍其遲。亟
往以觀。庶狂作聖。一日勝殘。至千萬真。一卒無其端。五往不
疲其心。乃安遂升。自而黜桀。尊湯遺民。以完大人無形與道。
為偶道之為太。為人父母。大矣伊尹。惟聖之首。既得其仁。猶
病其久。恒人所疑。我之所大。嗚呼遠哉。忘以為誨。

龍馬圖贊

靈和粹異。孕至神兮。保尾童鬣。疏紫鱗兮。巍然特出。瑞聖人
兮。理平和樂。百樂陳兮。鳴琴在御。大路遵兮。世履道悖。還吾真
兮。哀鳴延首。慕水濱兮。沛焉潛沫。旋齋淪兮。淵居海逝。靈無
鄰兮。出處孔時。類至仁兮。嗟爾衆類。孰是倫兮。進昏死乱。貼

歎身分。匪馬之慕吾誰親兮。贊之斯圖宜世珍兮。

霹靂琴贊

霹靂琴。零陵湘水西。震餘枯桐之為也。始枯桐生石上。詠者言有蛟龍伏其窟。一夕暴震為火之焚。至旦乃已。其餘燼然倒卧道上。震旁之民稍柴薪之。超道人聞取以為三琴。莫良於桐。之良莫良於生石上。石上之枯。又加良焉。火之餘。又加良焉。震之於火為異。是琴也。既良且異。合而為美。天下將不可載焉。微道人天下之美幾喪。余作贊。詳識其越之左。與右以著其事。又益以序。以為他傳。辭曰。惟湘之涯。惟石之危。龍伏之靈。震焚之奇。既良而異。爰合其美。超實為之。贊者柳子。

商山四皓畫圖贊

帝渠中

煥之。為珪為璋。孰光乎不耀之光。幽之深之。為山為林。

孰擊乎。繫之心足。知乎虛室。生白玄門。不關流水。去住清風。往還豈比。夫稷契在世。巢由在山。一物有累。兩心不閑。若哉。閑之謂何。簪裾薜蘿。本不干我。豈云其他。熙之忻之。與時為春。匡漢遊秦。惟茲四人。于德之鄰。不孤其身。于礪之濱。不迷其津。繪事既素。孰知其故。想像儀形。念茲丹青。曄之紫芝。深谷逶迤。俛仰今古。空林住時。鳳豈無德。焉皆有群。出處語默。商山白雲。

自題寫真贊

裴中立

爾才不長。爾貌不揚。胡為將胡為相。一片靈臺。丹青莫狀。揚

鳳閣王侍郎傳論贊

李翰

仙緒山賓。靈液流津。積德累仁。生賢清神。孝以事親。忠以為臣。履道正身。秉國之鈞。君子哉若人。尚德哉若人。

尚書右丞徐公寫真圖贊

獨孤至之

哲匠運思天姿是具假之筆精實以神遇居然成象豁若披
霧瞻仰神鋒如窺武庫婉之高議昂之獨步絕頂孤松空波
白鷺不犯之色匪躬之故孰知其化亦在毫素

四公子贊

潘存實

四人為身萬二千人為耳目四人為梁萬二千人為榱桷有
危可平有死可生豈披威憑寔惟義爭嗟乎人之家或財不
自與心不自是妻不睦夫父不慈子而况乎萬二千士懿哉
恨目不覩此

騶虞書贊

白樂天

孟山有獸仁心毛質不踐生芻不食生物有道則見非時不
出三季以還退藏於密我聞其名微之於書不識其形得之
於圖白質黑文倪首虎軀是耶非耶孰知之乎已矣夫已矣
天前不見其往者後不見其來者于嗟乎騶虞

獬豸贊

貌哉奇獸生于南國其名曰獬豸非鐵不食昔在上古人心忠
直征伐教令自天子出劔戟省用銅鐵羨溢獬豸當是時飽食
終日三代以降王法不一鑠鐵為兵範銅為佛之像日益兵
刃日滋何山不刻何谷不陳銖銅寸鐵罔有子遺悲哉彼獬
無乃饒而嗚呼匪獬之悲惟時之悲

畫鵝贊

鵝禽之英黑鵝丁、鉤綴八爪劔捕六翎想入心匠寫從筆
相不卸不鵝一日而成軒然將飛戛然欲鳴毛動骨活神來
著形始知造物不必宵冥但獲天機則與化爭韓幹之馬籍
籍知名薛稷之鶴翻、有聲研工數能較真闕靈豈無他人

不如我兄。

怪松圖贊

陸魯望

松生陰隘巖獄穴。械病乎不快。卒以為怪。擁腫支離。神羞鬼
疑。道人嗟咨。筆傳其奇。或怪其形。或奇于詞。自為怪魁。是以
贊之。

唐大通和尚法門義贊

釋皎然

觀淨之空。斯言不住。四色蓮花。白花為喻。應知離相。或未圓
通。吾師惠心。雲開天空。

宋

贊王元之畫像

蘇子瞻

惟昔聖賢。患莫已知。公遇太宗。允也其時。帝欲用公。不少
三黜。窮山之死。蘇威感平。以來獨為名臣。一時之屈。萬世

之伸。紛之鄙夫。亦拜公像。何以占之。有泚其頰。公能泚之不
能已之茫。九原愛莫起之。

孔北海贊

晉有匈奴盜賊之靡。欺孤如操。又羯所耻。我書春秋。與齊豹
齒。文學在天。雖亡不死。我宗若人。尚有千祀。視公如龍。視操
如鬼。

李端叔真贊

鬚髮之拳然。眉宇之淵然。披胃腹之掀然。以為可得而見。歟
則漢乎其無言。以為不可得而見。歟則已見。盡於龍眠矣。嗚
呼。其將為不雨之雲。以抱其全乎。其將為既琢之玉。以役其
天乎。抑將遊戲此世。而時出於兩者之間也。

仁宗皇帝御書贊二首

其一曰天地不言付之人君明其德刑物自秋春人君無心屬之輔弼信其當罰身為衡石惟天惟君與相為三孰能俛有其德而南於皇仁宗恭已無為以天為心以臣為師其師鄧公履信思順天下頌之以退為進壽考百年以沒其身嗚呼休哉寅亮天地弼予一人

其二曰聖人如天時殺時生君子如水因物賦形天不違仁水不失平惟一故新惟新故一故不流新故無斃伊尹暨湯咸有一德周雖舊邦其命惟新孰知此言若出一人小臣稽首欽頌遺墨嗚呼休哉日新其德

王定國真貧

溫然而澤者道人之腴也凜然而清者詩人之癯也雍容委蛇者貴介之公子而短小精悍者游俠之徒也何人足以知之此皆其膚也若人者秦不驕困不撓而老不枯也

秦少游真貧

以君為將仕也其服野其行方以君為將隱也其言文其神昌置而不求君不即即而求之君不藏以為將仕將隱者皆不知君者也蓋將挈所有而棄所遇以游於世而卒反於其鄉者乎

參寥子貧

東坡居士曰惟參寥子身寒而道富辯於文而納於口外庭柔而中健武與人無競而好刺譏朋友之過枯形灰心而喜為感時玩物不能忘情之語此予所謂參寥子有不可曉者五也

文與可墨竹貧

與可之文其德之糟粕與可之詩其文之毫末詩不能盡溢而為書變而為畫皆詩之餘其詩與文好者益寡有好具德如好其畫者乎悲夫

二疎賁

惟天為健而不干時沈潛剛克以燮和之於赫漢高以智力王凜然君臣師友道喪孝宣中興以法馭人殺蓋韓楊蓋三良臣先生憐之振袂脫屣使知區々不足驕士此意莫陳千載于今我觀畫圖涕下沾襟

蘇東坡賁二首

黃魯直

子瞻堂堂出於螿眉司馬班揚金馬石渠閣士如牆上前論士釋之馮唐言語以為階而投諸雲夢之黃東坡之酒赤壁之笛嬉笑怒罵皆成文章解羈而歸紫微玉堂子瞻之德未變於初爾而名之曰元祐之黨貶之珠崖儋耳方其金馬石渠不自知其東坡赤壁也及其東坡赤壁不自意其紫微玉堂也及其紫微玉堂不自知其珠崖儋耳也九州四海知有東坡東坡歸矣民笑且歌一日不朝其間容戈至其一丘一壑則無如此道人何

岌岌堂堂如山如河其愛之也引之上西掖鸞坡是亦一東坡非亦一東坡稿項黃馘觸時干戈其惡之也投之於鯤鯨之波是亦一東坡非亦一東坡計東坡之在天下如太倉之一糲米至於臨大節而不可奪則與天地相終始

自寫真賁

飲不過一瓢食不過一簞田夫亦不改其樂而夫子乃謂之賢何也顏淵當首萬物而奉以四海九州而厚之若是故曰

人不堪其憂若余之於山澤魚在深藻鹿得豐草伊其野性則然蓋非抱沉陸之屈懷迷邦之寶既不能詩成無色之畫書出無聲之詩又白首不聞道則奚取於似摩詰為若乃登山臨水喜見於清揚豈似優孟為孫叔敖虎賁似蔡中郎者邪。

警學齋

朱仲晦

讀易之法先正其心肅容端席有翼其臨于卦于爻如筮斯得假彼象辭為我儀則字從其訓句逆其情事因其理意適其平曰否曰滅如目斯見曰止曰行如足斯踐毋寬以略毋密以窮毋固而可毋必而通平易從容自表而裏及其貫之萬事一理理定既實事來尚虛用應始有體該本無稽實符虛存體應用執古御今由靜制動潔靜精微是之謂易體之

在我動有常吉在昔程氏繼周紹孔奧旨宏綱皇陳擇按惟博未啟以俟後人小子狂簡敢述而申。

原象資

太乙肇判陰降陽升陽一以施陰兩而承惟皇昊義仰觀俯察奇耦既陳兩儀斯設既榦迺支一各生兩陰陽交錯以立四象奇加以奇曰陽之陽奇而加耦陽陰以童耦而加奇陰內陰外耦復加耦陰與陰會兩一既分一復生兩三才立八卦卦指掌奇奇而奇初一日乾奇之而耦兌次二焉奇耦而奇次三曰離奇耦而耦四震以隨耦奇而奇巽居坎五耦奇而耦坎六斯觀耦之而奇艮居次七耦之而耦八坤以畢初畫為儀中畫為象上畫卦成人文斯朗因而重之一貞八畫六十四卦由內達外交易為體從此來彼變易為用時

動階帝而王傳夏歷商有占無文民用弗彰文王觀象周公
繫爻視此八卦二純六交乃乾斯父乃坤斯母震以長男巽
離兌女離南次北震東兌西乾坤艮巽位以四維建宮立師
命曰周易孔聖傳之是為十翼遭秦弗燼及宋而明邵傳義
畫程演周經象陳數列言盡理得弥億萬年永著常式

稽類贊

八卦之象說卦已全考之於經其用弗專象以情言象以像
告惟是之求斯得其要乾健天行坤順地從震動為雷巽入
木風坎險水泉亦雲亦雨離麗文明雷日而火艮止為山兌
為澤以是舉之其要斯得凡卦六虛奇耦殊位奇陽耦陰
各以其類得位為正一五為中二臣五君初始上終貞悔體
分爻以位應陰陽相求乃得其正凡陽斯淑君子居之凡陰

斯慝小人是為常可類求變卦例測非常曷變謹此為則

復卦贊

萬物職之其生不窮孰其尸之造化為工陰闔陽開一靜
一動於穆無疆全体妙用奚獨於斯潛陽壯陰而曰昭哉此
天地心蓋翁無餘斯闢之始生意闢然具此全美其在于人
曰性之仁歟藏方寸包括無垠有茁其萌有惻其隱予以克
之四海其準曰惟茲今耿綿之間是用齋戒掩身閉關仰正
義圖稽經協傳敢贊一詞以詔無倦

朱葛孔明書像贊

張敬夫

惟忠武侯識其大者伏羲履正卓然不合方臥南陽若將終
身三顧而起時引屈伸難平者事不昧者幾大綱既得萬目
乃隨我奉天討不震不竦維其一心而以時動噫侯此八萬

世不泯遺像有嚴瞻者起敬

心經贊

真希元

舜禹授受十有六言萬世心學此其淵源人心何主於形氣有好有樂有忿有懣惟慈易流是之謂危須臾或放或怠是後之道心伊何根於性命曰義曰仁曰中曰正惟理無非是之謂微毫芒或去其存幾希二者之間曾弗容隙察之必精如辨白黑知及仁守相為始終惟精故一惟一故中聖賢與體姚法妙持綱挈維昭示來世戒懼謹獨邪存誠曰忿曰慾必窒必懲上帝實臨其敢或貳室漏雖隱寧使有愧四非當克如敵斯攻四端既發比肩而充意必之明必帝撤子諒之生春噓物茁鷄大之於穀知其求牛羊之牧濯之是夏一指肩背孰孰貴孰賤簞食萬鍾辭受必辨克治存養交致

其功舜何人矣期與之同惟

道心萬善之主天之與我此

其大者歛之方寸大極在躬

心之萬事其用弗窮若寶靈龜

若奉拱壁念茲在茲其可

力相古先民以敬相傳操約施

傳孰此為先我來作州茅

廷懼爰輯格言以滌肺腑明窓

柴几清晝爐熏開卷肅然

我天君

元

魯齋先生畫像贊

王盤

氣和而志剛外圓而內方行之麓或判事中書之堂為輝光虛舟江湖晴雲去

四時屈伸與道翱翔或躬耕太和褐蓬茅不為荒涼珪組軒冕不舒上友千古誰與為徒

王允中真贊

劉慶吉

齒未老鬚眉胡為而白耶然含四海之憂鬢雖衰顏胡為而

壯耶。凜然橫千仞之秋。以石丹心。砥柱中流。百折而必東。寸折而不柔。其履危犯險。或禍一身。然視循默苟容。貽害當世者。不優耶。

書畫像自贊

所以承先世之統者。如是其孤。所以當衆人之望者。如是其虛。嗚呼危乎。不有以持之。其何以居。

西夏相幹公畫像贊

虞伯生

西夏之盛。禮事孔子。極其尊親。以帝廟祀。乃有儒臣。早究典謨。通經同文。教其國都。遂相其君。作服施采。顧瞻學官。遺像斯在。國廢時遠。人鮮克知。壞宮改作。不聞金絲。不忘其親。在賢孫子。載圖丹青。取徵良史。

臨川吳先生畫像贊

業廣而精。德周而尊。釐祈群言。以究斯文。童甫玄端。書無左右。豈第君子。天錫眉壽。

自贊畫像

邈乎千載之下。而謂古今一時也。嗟乎五尺之軀。而謂天地一體也。廓乎不自知其所知也。欲乎未能至其所至也。俛乎若憂。非有傷乎其內也。汨乎若休。無兩待乎其外也。服今人之服。食今人之食。同乎公之人。聊以順吾際也。讀古人之書。誦古人之詩。思夫古之。八不知老之至也。

大象圖贊

有偉馴象。貢自南域。脩其半。鑿錫路車。是服維皇。在輿游目於式。任重持安。眈力知德。而閒以思。寫之几格。天章龍文。臻妙造極。嗟爾微勞。尚軼宸。師武臣。能不察識。若稽包犧受

圖布書。遠取不遺。以啓神易。擬茲形容。克配古昔。臣用述贊。與世作則。

默庵安先生畫像贊

歐陽原功

寤寐乎明善誠身之書。步心乎格物致知之學。閔西三鱸未必榮於教授之四世。荀陵龍矣。以過於伯仲之一譽。豈非白茅重而忠信著。玄酒醇而嗜慾薄者乎。鍾期伯牙有同世而不相遇者。吾故於默庵之神交而益以重容城之先覺也。

威如蘇先生畫像贊

英之紫芝皎之素絲。宜校遠可默識近思。子雲精深李海孝女德人之容。君子之守。靜脩劉先生畫像贊

靜脩劉先生畫像贊

微點之狂而有沂上風雲之樂。貧由之勇而無北鄙鼓瑟之

聲。於裕皇之仁而見不可留之四皓。以世祖之略而遇不能致之兩生。烏虜麒麟鳳凰固宇內之不常有也。然而一鳴而六典作。一出而春秋成。則其志不欲遺世而獨往也。明矣。亦將從周公孔子之後。為往聖繼絕學。為來世開太平者耶。

晦庵先生畫像贊

吳幼清

理義密微蠶絲牛毛。心胷恢廓海闊天高。豪傑之才。聖賢之學。景星慶雲。泰山喬岳。

臨川野老自贊

身形瘦削。春林獨鶴。眼睛閃爍。秋霄一鷗。遠絕塵滓。大同寥廓。自鳴自和。自歌自樂。

質齋贊

蕭輿

上古聖神。仰觀俯察。旁及鳥獸。取象維八。書契干戈。登降控

揭化成之具於焉以茁。魏乎煥乎。重華位陟。文命誕敷。懋昭大德。視民如傷。于湯有光。姬情孔思。謨訓洋洋。經緯三極。時維至文。世變風移。覆其質云。世之謂文。古所無有。游夏言行昭々。可考。絺章繪句。錦心繡口。充棟汗牛。世用曷取。蔽天之明。宰人之靈。繇政迄廣。既斯以成。卓哉祁君。矜世之病。質以自居。求盡其性。如彼泉流。載浚厥源。彼華彼實。載殖厥根。如賁尚白。循々勿々。立德立言。成已成物。

李秦公畫像贊

程文海

歷觀幸輔。久無儒者。潛龍羽翼。公乃大雅。帝曰舊學。汝遂相予。真儒之效。此其權輿。熙運方開。明良起喜。如龍如雲。如魚如水。任以天下。可謂大臣。勞謙得士。清靜寧民。想其風采。金玉珪璧。賜之畫圖。式是百辟。豈惟丹青。盛德形容。尚友凌煙。

畫階清風

潘雲谷墨贊

李洞

徂徠松雲。貯玄谷道人。昼中抱其獨琅々。空山萬杵熟。道人曄然開電目。松雲化石々。化玉崢嶸。寶氣星漢燭。貢之奎章。月在櫝。龍光淋漓九宇福。

畫像自贊

李繼本

烏乎汝乎。氣餒而弱。貌朴而愚。行方而滯。志大而踈。雖讀書而不求其解。雖體道而僅得其粗。雖同乎今之人。而以聖賢為矩墨。雖食夫今之祿。而視軒冕猶泥塗。我固以為至拙。人亦笑其甚迂。烏乎汝乎。胡不挹學海之浩瀚。溥時雨之霑濡。使萬里融貫。而寸善不遺。中扃靈明。而一塵不污。烟如一段清冰。出萬壑。置在迎風寒露之王壺。

國朝

畫龍贊

劉基

鯀其角蒼其鱗。蚪其身。胡為乎而神。至陽之精。健與天倫。形而求之。惡識其真。于嗟龍兮。

靈峯寺植木贊

杏葉葱芊。有子可以實。蘧松枝扶疎。有苓可以引。年櫟狀如擣。衆蠹所穿。擁腫液瞞。不可以鐫。胡並植于庭。混厥醜妍。明堂求材。殷趨爾先。松戕杏割。櫟獨宛然。嗚呼櫟乎。孰女之憐。惟女之全。抑棄于人。乃獲乎天耶。

龍馬贊

宋濂

天駟焚蛟。龍升靈泓。澄神馬生祥。飈瑞靄晝香。冥天一翕。聚通精靈。龍胡盈鳧。臆輕竹披耳鏡。懸睛花雪捲毛。光照夜汗。溝有血霞。流頰振鬣。鳴萬馬驚。閃流電逐飛星。九霄彷彿從龍行。但聞蕭蕭風雨聲。三川平。八極寧。真龍嬉戲。龍廷出入。天門駕龍輶。大霞五彩滿瑤京。皇威明茫。堪輿力孰敢不來。庭陋彼漢將軍。空圍貳師城。乃知天子在樹德。不必連年徒用兵。

虞文靖公像贊

朱明之墟。離火降精也。丹鳥離襪。為駕綵輶也。手握化樞。人文昭明也。補帝衮衣。五色熒也。上凌霄漢。下燭九溟也。無幽不啓。無芳不榮也。頤挫萬彙。配合三靈也。獨騎元氣。栖神窈冥也。之死弗歿。隨物流形也。凝為喬雲。燦為德星也。琬琰所勒。鬼秘神伺也。命世之材。一代之英也。

滕奉使贊

漢有蘇武奉使不屈。滕公配之。有聲烈。苦。播。裹。屍。以。全。臣。節。如。璧。之。白。弗。緇。弗。缺。其。人。雖。亡。而。神。不。滅。上。游。帝。所。凌。厲。日。月。降。臣。見。之。肝。碎。膽。裂。敢。述。贊。詞。勒。在。貞。碣。

溟滓生贊

龍圖成章。有文從衡。以濬以明。以拽其歲。以奠乎玄黃。昔我素王。韋編三絕。墜緒微茫。誰其我綴。我參我腹。九師襄之。我苞我晶。百氏穰之。如何之渾。如瞶而昏。如治絲以棼。天未降割。一髮攸存。惟洛有士。居于百原。超神冲漠。凝於畫先。數往知來。小大斯甄。莫峻匪厓。我涉其顛。莫深匪淵。我瀾其泉。簡材以畀。非隱弗傳。有冥者冢。卒昭以宣。或得其牖。載神于言。炎之宋籙。惟其訖矣。長星蝕柳。色之赤矣。青祥見徵。土髮紉

矣。朋昏以世。莫之戚矣。魚在在驚。尚其息矣。維生之知。中如沸羹。彼昏不知。覆謂我狂。如何我憂。孔多我山。我河我。用弗磨。俾淪胥以訛。我酒既嘉。我瑟又絃。我寧不獻。歌北風。其涼旂旒。央之戎車。麗之蕩之。江流杭之。如陸有腥。其穢流血。沃之海氛。方殷其何能目。人有恒言。風雨漂搖。夏宇障之。涉于大川。烝徒楫之。楫副宇橈。予之焉依。國武斯隊。不知攸戒。日隕弗升。雖晝夜。鵲舞於林。鬼瞰于舍。孰投是艱。曾莫之艾。乃怒乃驚。乃瞻乃行。乃避死于冥。睠生之為胡。只神以著。徵之古聖。匪程伊度。何以言之。卒淪于數。一曲之淹。不通其故。易道既泯。數亦不類。激贊於生。發我長喟。月出皎兮。在天之心。在天之心。何古何今。

宋景濂像贊

王禕

外和而神融。內充而面睟。衣冠雖晉人之風。氣象實宋儒之懿。夫其知言以窮天下之理。養氣以任天下之事。隱則如虎豹之在山。出則類鳳麟之瑞世。後乎千載而有存中乎兩間。而無媿此。蓋古君子之所難然。吾謂斯人之必至。

戴升能像贊

蕭之乎冰雪之姿。濟之乎山林之服。萃和氣以中充。藹高標而外肅。蓋其著述之富有年于茲。而進脩之勤。惟日不足。將自致乎儒林文苑之間。庶幾繼往哲之芳躅。

秦王傅胡子真贊

解摺

忠簡之孫。風流尚存。義氣激昂。勇奪三軍。經術文華。列星端雲。翰墨輝煌。飛鳳翔麟。昔侍函文。煦于熙春。今觀畫像。儼端蹕紳。芙蓉之陽。天玉嶙峋。永示儀矩。泚茲後人。

虛舟子畫像贊

節義文獻。世德之粹。鍾道學政術。里仁之範。銘精金美玉之文。其餘工。高譚卓識之見。其蠶封。吊湘江。歷南海。方自以為達。在玉堂金馬。人不知其窮。沛乎其進未止。吾不知其窮後。仰天衢而獨步。信學海之孤樵也。

呂推府小像贊

朱繼善

不競不綈。惟道之求。不剛不柔。惟德之脩。進之廊廟。可以黼黻乎皇猷。真之藩屏。可以砥柱乎中流。豈直可以明刑折獄。為釋之定國之儔而已乎。

至樂先生杜君畫像贊

黃淮

內寬外嚴者質之美。言謹行端者學之力。既約己而裕人。亦歛華而就實。聊薄試乎泮林。尋退休于泉石。惟至樂之在斯。

諒伊人之叵識吁嗟先生分亦獨何心庶幾委順兮無愧厥德

高節庵德暘畫像贊

貌不踰中人而度量廓如也言不誇詡而文與理俱也行不詭異而駿之乎前賢步趨也動則行其志靜則涵泳乎聖謨也嗚呼先生斯其為學問之功資之深德之符也

江雲和尚像贊

身外身影中影世界虛空俱幻境雲江法海本來同湛寂真源還自省

古廉李先生贊

揚士奇

氣充而志端外和而內剛其學也本淵純深其文也篤實輝光史館謹嚴經筵裨益有矩有規惟正惟直玉署金馬

四朝於茲國有老成儒有表儀曾監成賢允屬耆老需佐隆天子有詔

晁庵像贊

偉乎其儀淵乎其中簡而有執和而無同襟宇澄瑩涵秋露於玉壺氣韻洒落揚皓雪於青松洙泗閩洛其學之源大河長江其文之樞事

聖明之主崇近密之任承禮遇之隆其千載之遭逢也而泊然如抱虛退然如執冲孳之於往括乾之乎終日者蓋希先民道德之意君子為仁之功歟

行儉像贊

學博而志端識敏而才充其秀發也粲芙蓉於淥水其清拔也挺華嶽於晴空承明延閣足以續休乎家世詞命論思足

以增重於國華方當任賢與理之時祿位所臻豈吾所能
量其涯哉

韓退之賁

胡儼

六經之文孔孟之道特立獨行旁搜遠紹樞深浩淼莫窺其
涯守正不回斗山巍々

蔡西山賁

道傳先師德垂後裔終始無渝得喪一致行不愧影臥不愧
袞踐履經史清風古今

四皓子陵淵明謝安四賁

楊榮

紫芝燁々商山峩々爰居爰處其樂孔多束帛爰々公乃一
出漢本以正留侯之續

炎祚中興群賢滿朝懷執故人寧不可招煌々客星有光天
府羊裘釣絲清風千古

解印彭澤浩賦歸三徑未荒松菊依々漉酒有中熙然如
春逸節高風義皇上人

高臥東山漠若無情幡然一起足慰蒼生淮淝之捷喜折屐
齒盛業榮名輝映青史

伯牙張良子猷李白四賁

虞鼓南薰孔操倚蘭往聖既邈古調孰彈流水高山知者能
幾早執子期妙契斯理

韓祀未復義激于中圮橋之會天啓其逢取履惟恭忍耻折
節功成名高千古卓絕

有美山陰幽趣誰同瞻彼綠竹翳然清風乘輿與命輿徑造其
所於焉嘯歌孰為賓主

匡廬之山神秀所鍾瀑布千尺宛若飛虹偉哉謫仙銀河在
目咳唾天風粲然珠玉

孝思堂贊

周忱

瞻彼王氏有堂翼翼孝子攸居思焉罔極其思伊何惟父惟
母罔極之思欲報無所爰自穉齡庭椿已摧及其成立萱草
復萎孑立策之陟岵陟岵入學從師賴于世父綴科躋仕駘
馬繡衣千鍾之祿不及庭闈朝斯夕斯念之不置罄歎音容
常日在是矧伊顯宦身立名揚
天書錫寵媿及泉堂惟川有涸惟山有岵思親一心永之無
已

宋中書士皋畫像贊

其容清然如白玉之瑩也其神炯然如寒水之清也其氣溫
然如春陽之明也其守恪然如猗竹之貞也承善慶於累世
聞詩禮於過庭虎榜題名擢青年之黃甲鳳池染墨沐侍筵
之恩榮噫此盛世之後義乃故家之翹英仕既優而篤
學能不安於小成吾見其名位之與福履將日進而日升

祭酒陳公敬宗像贊

李時勉

襟懷瀟灑儀觀瓌奇凜乎冰霜之操偉然玉雪之資涵濡於
詩書禮樂之英華究極於仁義道德之精微行無媿於古人
才可濟於當時任秋官而能慎於刑獄居軫死而克盡乎論
思轉貳國子衆或以爲異陞秩司成人皆以爲宜學問文章
足以重士林之望威儀言論足以爲後進之規是蓋將躋於
壽考進於顯融而不止於斯也

禮部侍郎陳瑾像贊

陳敬宗

維山峻極伊德之尊江漢汪洋學之博也維王之潤伊性之
溫儀鳳九苞文之焯也是用樂育乎外庠陶鑄乎大學施名
郡之豈弟肅憲府之寒言諤司喉舌於銀臺而贊寅清於宗伯
也此真

國家之儒碩士林之老且龜君子之所視效學者之所瞻依寅事
五朝始終一致年弥高而德弥邵名愈隆而志愈厲珮玉冠
冕肅穆盛容蓄之厚者發必大觀其外可以知其中懷之乎
老臣之忠蓋坦之乎仁者之心宵宜其享爵祿於求之而膺壽
福於無窮也

水壺贊

水之清心與之微而道與之凝壺之虛量與之俱而德宏有
餘壺之有水洞徹而明剛嚴之操君子厲貞水柔冰堅爰化
之功學以似之萬理昭融既望吾軀復潔吾廬終身光明吁
嗟水壺

黔寧王世家誥券替并序

童軒

誥文四十五通券二迺我朝

列聖賜黔寧王世家之恩典也今鎮守雲南總戎黔國公出
以示軒徵言以為之贊伏觀王室勲德之隆而
天朝報功之厚君臣之間恩義交孚真千載之一遇也其視
漢高帝之於韓彭唐太宗之於侯魏文烏可以同年語哉於
戲盛矣謹拜手稽首而為之贊曰

維昔元季草昧失鹿海內沸騰亳社已屋 天啓

聖人挺生淮甸義旗一揮東征西怨代虐以寬易暴以仁來
蘇溪后順天應人惟黔寧王適丁其運龍虎風雲千載斯慶

乃奮天戈乃拔鉛山如雷如霆如飛如翰進擣閩溪閩悉衆
守我武維揚如拉枯朽關陝未寧主諭寧之川歲未款王伐
平之既降朶工復掃群醜胡孽就擒知院授首于時海宇以
次廓清蠶爾蠻滇猶弗來廷

帝謂爾英爾其往定王率三軍一戰而勝帝謂爾英滇實遠
夷爾留是守以撫以綏乃錫榮恩丹書鐵券帶礪山河永矢
弗替繼有西平亦克象賢桓威武遵憲罔愆再傳定遠捷
捷樹立折衝尊俎儒將是匹討定叛夷圖功攸終誥券再頒
恩典惟崇四葉黔國仍昨滇上訓士練兵張皇威武今公嗣
爵克篤忠貞聿修文教大誥戎兵恩威並施夷羅歸心無或
我貳璽書下旌龍文赫奕裕後光前振古罕及豪邁英賢猗
歟沐氏惟孝惟忠與國咸休永世無窮

文翰類選大成卷第一百十文目錄

漢

司馬長卿二篇

齊

孔德璋一篇

唐

李元賓一篇 獨孤至之篇 柳子厚五篇 韓退之二篇

白樂天一篇 李遐叔一篇 袁皓一篇 程浩一篇

宋

真宗一篇 仁宗一篇 柳耆卿一篇 王元之二篇

王介甫二篇 陳希元一篇 劉原父一篇 林半千一篇

蔡君謨一篇 朱仲晦一篇

元

徐世隆一篇 王盤一篇 盧處道一篇 閻子靜一篇

薛友諒一篇 宋誠笑一篇

國朝

劉基一篇 宋濂四篇 李繼本三篇 解播一篇

周忱一篇 胡啓先二篇

文翰類選大成卷第一百十文目錄

文翰類選大成卷第一百十

左長史上海李伯璵編輯

紀善慈谿馮厚校正

文類

漢

封禪文

司馬長卿

伊上古之初肇自昊穹之生民歷選列辟以迄於率邇者踵武歛聽者風聲紛綸威蕤湮滅而不稱者不可勝數也繼紹夏崇號謚略可道者七十有二君罔若淑而不昌疇逆失而能存軒轅之前遐哉邈乎其詳不可得聞已五三六經載籍之傳維風可觀也書曰元首明哉股肱良哉因斯以談君莫盛於唐堯臣莫賢於后稷后稷創業於唐公劉發跡於西戎

文王改制。爰周邠隆。大行越成。而後陵遲衰微。千載亡聲。豈不善始善終哉。然無異端慎所由於前。謹遺教於後耳。故軌迹夷易之遵也。淇息龐鴻。易豐也。憲度著明。易則也。垂統理順。易繼也。是以業隆於襁褓。而崇冠於二后。揆厥所元。終都攸卒。未有殊尤絕跡可考於今者也。然猶躡梁父。登泰山。建顯號。施尊名。大漢之德。逢涌原泉。沕瀟曼羨。旁魄四塞。雲布霧散。上暢九垓。下沂八埏。懷生之類。霑濡浸潤。協氣橫流。武節森逝。邇陬游原。遐闊涑沫。首惡鬱沒。晦昧昭晰。昆蟲閭慄。回首面內。然後囿騶虞之珍。羣徼麋鹿之怪。獸道一莖。六穗於庖。犧雙貉共柢之獸。獲周餘珍。放龜于岐。招翠黃乘龍於沼。鬼神接靈。圍宥於間。館竒物。譎倣儻。窮變欽哉。符瑞臻茲。猶以爲德薄。不敢道封禪。蓋周躍魚。隕航休之。以燎微夫。

功之爲符也。以登介立。不亦忍乎。進讓之道。何其爽歟。於是大司馬進曰。陛下仁育群生。義征不諛。諸夏樂貢。百蠻執贄。德侔往初。功無與二。休烈浹洽。符瑞衆變。期應紹至。不特創見。意者泰山梁甫。設壇場。望幸。蓋號以况祭。上帝垂息。儲祉將以慶成。陛下謙讓而弗發也。契三神之歡。缺王道之儀。群臣忍焉。或謂且天爲質。闡示珍符。固不可辭。若然。辭之是泰。山靡記。而梁父周幾也。亦各並時。而榮咸濟。厥世而屈。說者尚何稱於後。而云七十二君哉。夫脩德以錫符。奉命以行事。不爲進越也。故聖王不替。而脩禮地祇。謁款天神。勒功中嶽。以章至尊。舒盛德。發號榮。受厚福。以浸黎元。皇皇我斯。事天下之壯觀。王者之不業。不可貶也。願陛下全之。而後因雜措紳先生之略術。使獲曜日月之末光。絕炎以展采。錯事猶燕。

正列其義。被飾厥文。作春秋一藝。將襲舊六爲七。據之無窮。俾萬世得激清流。揚微波。飛英聲。騰茂實。前聖所以永保鴻名。而常爲稱首者。用此。宜命掌故。悉奏其儀。而覽焉。於是天子沛然改容曰。俞乎。朕其試哉。乃遷思迴慮。摠公卿之議。詢封禪之事。詩大澤之博。廣符瑞之富。

難蜀父老文

漢興七十有八載。德茂存乎六世。威武紛紜。湛恩汪濊。群生霑濡。洋溢乎方外。於是乃命使西征。隨流而攘風。之所被用。不披靡。因朝冉從。駮定筭存。卬略斯榆。舉苞蒲。結軌還轅。東鄉將報。至于蜀都。若老大夫搢紳先生之徒。二十有七人。儼然造焉。辭畢。進曰。蓋聞天子之於夷狄也。其義羈縻。勿絕而已。今罷三郡之士。通夜郎之塗。三年於茲。而功不竟。士卒勞

倦。萬民不贍。今又接之以西夷。百姓力屈。恐不能卒業。此亦使者之累也。竊爲左右患之。且夫卬筭西夷之興。中國並也。歷年茲多。不可記已。仁者不以德來。彊者不以力并。意者其始不可乎。今割齊民以附夷狄。故所恃以事無用。鄙人固陋。不識所謂。使者曰。烏謂此乎。必若所云。則是蜀不變服而巴不化俗也。僕常惡聞若說。然斯事體大。固非觀者之所覩也。余之行急。其詳不可得聞。已請爲大夫粗陳其略。蓋世必有非常之人。然後有非常之事。有非常之事。然後有非常之功。夫非常者。固常人之所異也。故曰。非常之原。黎民懼焉。及臻厥成。天下晏如也。昔者洪水沸出。汎濫衍溢。民人升降。移徙崎嶇。而不安。夏后氏感之。乃堙洪塞源。決江疏河。灑沈澹災。東歸之於海。而天下永寧。當斯之勤。豈惟民哉。心煩於慮。而

身親其勞。躬腴斷無胥膚不生毛。故休烈顯乎無窮。聲稱浹乎于茲。且夫賢君之踐位也。豈特委瑣啜齷拘文牽俗。修誦習傳。當世取說云爾哉。必將崇論閎議。創業垂統。為萬世規。故馳騫乎蕪容。并包而勤思乎參天貳地。且詩不云乎。普天之下。莫非王土。率土之濱。莫非王臣。是以六合之內。八方之外。浸淫衍溢。懷生之物。有不浸潤於澤者。賢君耻之。今封疆之內。冠帶之倫。咸獲嘉祉。靡有闕遺矣。而夷狄殊俗之國。遠絕異黨之域。舟車不通。人跡罕至。政教未加。流風猶微。內之則犯義侵禮於邊境外。外之則邪行橫作。放殺其上。君臣易位。尊卑失序。父兄不辜。幼孤為奴。虜餘縲號泣。內嚮而怨曰。蓋聞中國有至仁焉。德洋恩普。物靡不得其所。今獨曷為遺已。舉踵思慕。若枯旱之望雨。矣夫為之垂涕。况乎上聖。又焉能

已。故北出師以討彊胡。南馳使以誦勁越。四面風德。一方之君。鱗集仰流。願得受號者。以億計。故乃關沫若。徼牂牁。靈山梁孫原。創道德之塗。垂仁義之統。將博恩廣施。遠撫長駕。使䟽迹不閉。習爽闇昧。得輝乎光明。以偃甲兵於此。而息討伐於彼。遐邇一體。中外提福。不亦康乎。夫拯民於沈溺。奉至尊之休德。反衰世之陵夷。繼周氏之絕業。天子之亟務也。百姓雖勞。又惡可以已乎哉。且夫王者固未有不始於憂勤。而終於逸樂者也。然則受命之符合在於此。方將增太山之封。加梁父之事。鳴和鸞。揚樂頌。上咸五。下登三。觀者未覩。旨聽者未聞。音猶鷦鷯。已翔乎寥廓之宇。而羅者猶視乎藪澤。悲夫。於是諸大夫茫然喪其所懷來。失厥所以進。喟然並稱曰。允哉漢德。此鄙人之所願聞也。百姓雖勞。請以身先之。敞罔

靡徒遷延而辭退。

齊

北山移文

孔德璋

鍾山之英草堂之靈馳煙驛路勒移山庭夫以耿介拔俗之標蕭洒出塵之想度白雪以方潔干青雲而直上吾方知之矣若其亭二物表皎二霞外芥千金而不眴履萬乘其如脫聞鳳吹於洛浦值新歌於延瀨固亦有焉豈期始終參差蒼黃反覆淚翟子之悲慟朱公之哭乍迴迹以心染或先貞而後黷何其謬哉嗚呼尚生不存仲氏既往山阿寂寥千載誰賞世有周子雋俗之士既文既博亦玄亦史然而學道東魯習隱南郭竊吹草堂濫巾北嶽誘我松桂欺我雲壑雖假容於江皋乃纓情於好爵其始至也將欲排巢父拉許由傲百

世茂王侯風情張刁霜氣橫秋或歎幽人長往或怨王孫不游談空々於釋部覈玄々於道流務光何足比涓子不能儔及其鳴騶入谷鶴書赴隴形馳魄散志變神動爾乃肩軒席次袂餐筵上焚芟製而裂荷衣抗塵容而走俗狀風雲悽其滯憤石泉咽而下愴望林峦而有失顧草木而如喪至其紐金章縮墨綬騰厲城之雄冠百里之首張英風於海甸馳妙譽於浙右道帙長擯法筵久埋敲扑誼囂犯其慮牒訴恹惚裝其懷琴歌既斷酒賦無續常綢繆於結課每紛綸於折獄籠張趙於往圖架卓魯於前籙希蹤三輔蒙馳聲九州投使其高霞孤映明月獨舉青松落陰白雲誰侶磻戶摧絕無與歸石逕荒涼徒延竚至於還颺入幕寫霧出楹蕙帳空兮夜鶴怨山人去兮曉猿驚昔聞投箸逸海岸今見解蘭縛塵纓

於是南嶽獻朝北隴騰笑。列壑爭譏攢峰竦。誦慨遊子之我欺。悲無人以赴弔。故其林慙無盡澗。愧不歇。秋桂遺風春蘿擺月。騁西山之逸議。馳東臯之素謁。今乃促裝下邑。浪褻上京。雖情投於魏闕。或假步於山扃。豈可使芳杜厚顏。薜荔無恥。碧嶺再辱。丹崖重滓。塵遊躅於蕙路。汚淥池以洗耳。宜扃袖幌。掩雲關。斂輕霧。藏鳴湍。截來轅於谷口。杜妄纏於郊端。於是叢條賁賁。疊穎怒魄。或飛柯以折輪。乍低枝而掃迹。請迴俗士加駕。為君謝逋客。

唐

謁夫子廟文

李元賓

世載儒訓者隴西李氏子。觀正詞為絜執。絜為奠恪。以上薦桓撥之十有三祀。孟秋之月朔。修冕帶。問廟而入。再拜兩柱之下。乃退伏而稱曰。於皇夫子之道之德。與天地周旋。與日月合明。乃聖乃神。炳乎典謨。惟王者得之以事神。使民庶人得之以不失其死生。諸侯得之以事天子。卿大夫得之以保祿位。怨天不及其身。四時得之而序行。天下得之而大同。然則天地神人之事。昭乎夫子之道之德也。至矣何小子之所竊歎焉。斯歎也。其惟來學乎。其惟乞靈乎。曰。某不敢然也。且夫禮樂泮於明。夫子之善道也。斯可謂以學矣。鬼神瞰於幽。夫子之明靈也。斯可謂以敬矣。孰敢捨道而來學。黷敬而乞

靈者乎。於是再拜而起。狗翔而觀。章施足徵。像設無喧。我朝
俎豆。我王衣冠。夫子得之。亦無愧言。七十之徒。亦公亦侯。外
如君臣。內實討論。烝々小子。思得其門。夫子聖人。天錫元精。
其未生也。若超然神遊。與兩氣俱存。其既生也。遇三季之會。
飄飄湮淪。絃歌之音。拊而不和。仁義之圖。卷而靡陳。及相魯
而有喜色。去宋而曰相。雖其如予。何聖人之窮。乃有如是耶。
噫。俾夫子生於堯之代。堯必後舜。而先夫子。生於舜之代。舜
則必先夫子。而後禹。聖人得時。化可知也。如舜禹。生於夫子
之年。則不過守於田畝之中。安有夫子之教。垂於無窮。若今
日之澶漫者乎。惟夫子生實陪臣。沒乃王。爵有聖德也。惟紂
生實殷辟。死曰獨夫。有逆德也。惟晉誥在德。惟德有聖。有逆
惟聖。逆在人。不在於尊。嗚呼。夫子聖人之極。燬鳳鳥不至。無
其時也。秦人燒書。文之衰也。帝唐爵王。德之興也。惟夫子
德泊唐之德。永而能安。古而更新。降康下民。實有烈光。訖無
闕然。小子仲慄。二拜奠而出。匪作匪述。

招北客文

獨孤至之

蜀之先曰蠶。縱其目以稱王。當周室陵頽兮。亂無紀綱。
洎乎杜宇。從天而降。鼈靈泝江而上。相禱而帝。據有南國之
九世。蜀本南夷人也。皆左其衽。而椎其髻。及通乎秦也。始於
惠王之代。五牛塚而秦女至。一蛇死而力士斃。二江雙注。群
山四蔽。其地卑陋。其風脞脆。蠻貊狼處。滇黔為隣。地偏而兩
儀不正。寒薄而四氣不均。花葉再榮。秋冬如春。暮夜多雨。朝
旦多雲。陽景罕開。陰氣恒昏。以暑以溼。為瘴為癘。氣滯蠶以
中人。吾知重腫之疾兮。將嬰爾身。蜀之不可往。北客歸去來兮。

其東則有大江濞。下絕地垠。百谷相吞。出於荆門。突怒吼。劃附于太白。游瀾礪。會于滄溟。跳噴濤。森上濺。飛鳥蹙。縮盤渦。下漩。龍龜三峽。兩壁亂峰如戟。岷岬屹。碎。頤洞劃折。高。于天霓雲外。水積晝日無光。其下黑窄。瞿塘無底。淺處萬尺。啼猿哀。腸斷過客。復有千歲老蛟。能變其身。好飲人血。化為婦人。衒服靚粧。遊于水濱。五月之間。白帝之下。洪濤塞。不見灑。瀕。天蹙地。霆吼雷怒。亦有行舟。突然而去。人未及。顧權未及舉。瞥見陽臺。不辨雲雨。千里一歇。日未移午。須臾。黑風暴起。拔樹震山。石走砂飛。波騰浪。舟子失據。摧播折。竿。漩入九泉。波而不還。支體糜散。海。石間水。爭食。蜀之東不可往。北客歸去來兮。其西則有高山萬重。峻極屬天。西有崑崙。其峰相連。日月迴。

于山巔。巒崖盤。天壁。陽和。不入。陰氣。固閉。千年。增冰。萬古。積雪。寒地。坳谷。凍石。裂夏。月草。枯春。天木。拆。凝。分。黑霧。結。人墮。指。分。馬傷。骨。江水。噴激。迴盤。紆。紫。棧。者。矍然。亡魂。喪精。復引一索。其名為。人懸。半空。度彼。絕壑。或如鳥兮。或如。攬。倏往。還來。幸不落。或有豪猪。千群。努鬣。射人。寒能。孔碩。登。自擲。見人。則。摩。巨。如牛。脩角。如。餓。虎。爭肉。吼。怒。復有。高崖。墜石。分。聲若雷。之。軒。轟。上。敲。下。似。火。迸。分。滿山。流星。澗。溪。忽。倒流。林岸。為之。頹。傾。碎。騰。狹。與。過。鳥。駭。木。魅。兮。山。精。飛。石。壓。人。兮。不可行。西有。大戎。與。北。山。通。形。貌。類。人。言語。不同。擅。廬。隆。宮。轟。來。豸。啜。酪。啖。肉。持。槍。挾。弓。依。草。及。泉。務。戰。與。攻。其。聲。如。犬。其。聚。如。蜂。中國之人。

兮。或流落於其中。豈只捫鼠茹雪以取活。終當鉞其足而繫
其臂。泣漢月於西海。思故鄉於北風。蜀之西不可往。北客歸
去來兮。

其南則有邛笮之關。天設險艱。少有平地。連延長山。橫亘廬
江。隔閼百蠻。吁彼漢源。上當漏天。靡日不雨。四時霏然。其人
如魚。爰處其泉。終年霖霖。時復日出。折二諸犬。向天吠日。人
皆溼寢。備死腰疾。復有陽山之路。毒瘴下凝。白日無光。其氣
曹二。暑雨下溼。黃茅上蒸。南方之人兮。不敢過。豈止走獸蹄
兮。飛鳥墮。吾不知造化兮。何之此方些。蜀之南不可往。北
客歸去來兮。

其北則有劔山嶠二。天鑿之門。二壁谿谷。高崖嶙峋。上柱南
斗。傍鎮于坤。下有長道。北達于秦。二地神州。中有聖人。左右
阜能致我君。雙闕我々。上覆慶雲。千官鏘朝于紫宸。玉樓
金殿。麒麟布德。垂澤搜賢。修文皇化。欣々煦然如春。蜀
之北不可往。北客歸去來兮。

招海賈文

椰子厚

咨海賈兮。君胡以利易生。而卒離其形。大海盪泊兮。顛倒日
月。龍魚傾側兮。神怪隨突。滄茫無形兮。往來遽卒。陰陽開闔
兮。氛霧滄溟。君不返兮。逝怳惚舟航。軒昂兮。下上飄鼓騰。轉
曉嶼兮。萬里一覩。峯入泓坳兮。視天若翳。奔螭出扑兮。翔鵬
振舞。天吳九首兮。更笑迭怒。垂涎閃舌兮。揮霍旁午。君不返
兮。終爲虜。黑齒棧齧。鱗文肌三角。駢列兮。耳離披反。斷义牙
踔嶺崖。蛇首狶鬣。虎豹皮。群沒互出。謹邀嬉。臭腥百里。霧雨
瀰君不返兮。以充飢。弱水蓄縮。其下不極。投之必沉。負羽無

力。鯨鯢疑畏。滄之疑。君不返兮。卒自賊。怪石森立。涵重淵。高下迥置。滔危顛。崩濤搜。疏剡戈。鋌君不返兮。春沉顛。其外大泊。評齋淪。終古迴。薄旋天垠。八方易位。更錯陳。君不返兮。亂星辰。東極傾。海流不屬。泯之超忽。紛盪沃。殆而一跌兮。沸入湯谷。舳艫霏。解稍若木。君不返兮。魂焉薄。海若畜。貨號風雷。雷巨鼇。領首丘山。頹猖狂。震號翻九垓。君不返兮。糜以摧。咨海賈兮。君胡樂。出幽險。而疾平夷。恟駭愁。苦而以忘其歸。黨易野。恬以舒。蹈蹂厚土。堅無虞。岐路脉布。彌九區。出無入。有百貨俱。周游傲。睨神自如。撞鍾擊鮮。恣歡娛。君不返兮。欲誰須。膠鬲得聖。指監魚。范子去相。安陶朱。呂氏行賈。南面孤。弘羊心計。登謀謨。者監大冶。九鄉居。祿秩山委。收國租。賢智走。諾爭下車。消道縱。傲世所趨。君不返兮。益為愚。客海賈兮。賈尚不可為。而又海是圖。死為險。魄兮。生為貪。夫亦獨何樂哉。歸來兮。寧君罪。

逐畢方文

山海經云章義之山有鳥如鶴一足赤文

后皇庇人兮。敬授群材。大施棟宇兮。小蔽草萊。各有攸宅焉。

時闔而開。火炎為用兮。化食生財。胡今茲之怪矣兮。日十藝

而窮。災朝儲清以聯。遂兮。夕蕩覆而為灰。焚傷羸老兮。炭死

童孩。呼號隨突兮。戶駭人哀。袒夫狂走兮。倏忽往來。鬱收孽

暴兮。混合恢台。民氣不舒兮。僵踣顛頽。休炊息燎兮。又伏煨燂

門。寔晦黑兮。啓伺奸回。若隊之天兮。若生之鬼。令行不訛兮。國恐

蓋已問之。禹書畢方。是崇。嗟爾畢方兮。胡肆其志。皇曾聰明兮。念

此下地。炎皇所愛兮。慘死無貳。幽形扇毒兮。陰險詭異。汝今

不懲兮。眾愬咸至。皇斯震怒兮。殄絕汝類。祝融悔禍兮。回祿

不懲兮。眾愬咸至。皇斯震怒兮。殄絕汝類。祝融悔禍兮。回祿

屏氣大陰施威兮。玄冥行事。汝雖赤其文。隻其趾。逞工術巧。莫救汝死。黠知亟去兮。愚乃止此。高飛兮。翱翔遠伏兮。無傷海之南兮。天之裔。汝優游兮。可卒歲。皇不怒兮。永汝世。日之良兮。今速逝。急急。如律令。

乞巧文

柳子夜歸。自外見有設祠者。饗餌馨香。蔬果交羅。挿竹垂綬。剖瓜犬牙。且拜且祈。怪而問焉。文隸進曰。今茲秋孟七夕。天女之孫。將嬪於河。鼓邀而祠者。幸而與之巧。驅去蹇拙。手目開利。組絰縫製。將無滯於心焉。爲是禱也。柳子曰。苟然歟。吾亦有所大拙。倘可因是以求去之。乃纓弁束衽。促武縮氣。旁趨曲折。偃僂將事。再拜稽首。稱臣而進曰。下土之臣。竊聞天孫專巧于天。輻輳璇璣。經緯星辰。能成文章。黼黻帝躬。以臨

下民。欽聖靈仰光耀之日久矣。今聞天孫不樂其獨得。真

於玄龜將踏石梁。款天津。僂於神夫于漢之濱。兩旗開張。中

星耀芒。靈氣翕歔。茲辰之良。幸而弭節。薄遊民間。臨臣之庭

曲聽。臣言。臣有大拙。智所不化。醫所不功。威不能遷。寬不能

容。乾坤之量。包含海岳。臣身甚微。無所投足。蟻適于垤。蝸休

于殼。龜龜螺蚌。比目有所伏。臣物之靈。進退唯辱。仿倖為狂。局

束為誦。吁。爲詐。坦。爲忝。他人有身。動必有宜。周旋獲笑。

顛倒逢嘻。已所尊。昵人。或怒之。變情徇勢。射利抵讎。中心甚

憤。爲彼所竒。忍仇佯喜。悅譽遷隨。胡執臣心。常使不核。反人

是已。曾不惕疑。貶名絕命。不負所知。扑嘲似傲。貴者塔齒。臣

旁囊。警彼且不取。叩稽匍匐。言語譎詭。令臣縮頭。彼則大喜。

臣若效之。瞋怒叢已。彼誠大巧。臣拙無比。王侯之門。狂吠狴

獄。臣若效之。瞋怒叢已。彼誠大巧。臣拙無比。王侯之門。狂吠狴

奸臣到百步。喉喘顛汗。睚眦逃走。魄道神叛。欣之巧夫徐入。縱誕毛群。掉尾百怒。一散世途。昏險擬步。如漆左低。右昂。闔。冒衝突。鬼神恐悸。聖智危慄。泯焉直透。所至如一。是獨何工。縱橫不恤。非天所假。彼智焉出。獨啻於臣。怕使玷黜。沓沓塞。騫恣口所言。迎知喜惡。默測憎憐。搖唇一發。徑中心原。膠加。鉗夾。誓死無遷。探心扼膽。踴躍拘牽。彼雖佯退。胡可得旃。獨。結臣舌。暗抑術。窮骨流血。一辭莫宣。胡為賦授。有此奇偏。眩耀為文。或排偶。抽黃對白。吟哢飛走。駢四儷六。錦心繡。口。宮沉羽。羽。星黃觸手。觀者舞悅。誇談雷吼。獨溺臣心。使其。老醜。醫。肉。銚枯朽。不期一時。以俟。悠久。旁羅萬金。不。鸞。獎。帝。跪。呈。豪。傑。投。棄。不。有。眉。曠。頰。覺。啄。嚙。曾。歐。大。赧。而。歸。填。恨。低。首。天。孫。司。巧。而。窮。臣。若。是。卒。不。余。界。獨。何。酷。欵。敢。願。

聖靈悔禍。獨難付與。姿媚易臣。頑顏鑿臣。方心規以大圓。拔去响舌。納以工言。文詞婉軟。步武輕便。齒牙饒美。眉睫增妍。突梯卷鬻。為世所賢。公侯卿士。五屬十連。彼獨何人。長享終天。言訖。又再拜稽首。俯伏以俟。至夜半。不得命。疲極而睡。見有青襲。朱裳。手持絳節。而來告曰。天孫告汝。詞良苦。凡汝之言。吾所極知。汝擇而行。嫉彼不為。汝之所欲。汝自可期。胡不為之。而誑我為汝。唯知恥。諂貌。淫辭。寧辱不貴。自適其宜。中心已定。胡妄而祈。堅汝之心。密汝所持。得之為大。失不汗卑。凡吾所有。不敢汝施。致命而昇。汝慎勿疑。嗚呼。天之所命。不可中華。泣拜欣受。初悲後懌。抱拙終身。以死誰惕。

宥蝮蛇文

吾悲乎天形汝軀。絕翼去足。無以自扶。曲脊屈脅。惟行之紆。

目無蜂虻色。混泥塗其頸。感之惡其腹。次且寒。魚鈞牙。穴出榛
居。蓄怒而蟠。銜毒而趨。志斬害物。陰妬潛狙。汝之稟受。若是
雖欲為毒。為蟻焉可得已。凡汝之為惡。非樂乎此。緣形役性
不可自止。草搖風動。百毒齊起。首拳脊努。咄舌搖尾。不逞其
凶。若病乎已。世皆寒心。我獨悲爾。吾將雜吾庭葺。吾楹室。吾
垣。嚴吾扃。俾與草不植。而穴隙不萌。與汝異途。不相交爭。雖
汝之惡焉得而行。嘻造物者。胡甚不仁。而巧成汝質。既稟乎
此。能無危物。賊害無辜。惟汝之實。陰陽為度。假汝忿疾。余胡
汝尤。是戮是秩。宥汝于野。自求終吉。汝之堅持。艾農夫執耒
不幸而遇。將除其害。餘力一揮。應手靡遺。我雖汝活。其惠實
大。他人異心。誰釋汝罪。形既不化。中焉能悔。嗚呼。嗚呼。汝必
死乎毒而不知。反訟乎內。今雖寬焉。後則誰在。化

爾道嗚乎在。可不悲歎

斬曲儿文

后皇植物所貴。平直聖主取焉。以建家國。豆為棟楹。齊為闔
闔。外隅平端。中室謹飾。度焉以几。維量之則。君子憑之。以輔
其德。末代淫巧。不師古式。斷茲揉木。以限肘腋。敬形詭狀。曲
程詐力。制類奇邪。用絕繩墨。勾身陋狹。危足僻側。支不得舒。
脅不遑息。余胡斯蓄。以亂人極。追咎厥始。惟物之殘。稟氣失
中。遭生不完。託地坑堙。反時煥寒。鬱悶結澀。瘞寒艱難。不可
以遂。一虧其端。離奇詰屈。縮恧噴坑。含蝎孕蠹。外邪中乾。或
因先容。以售其蟠。病夫甘焉。制器以安。彼風毒敗形。陰沴遷
魄。禍氣侵骨。淫神化脉。體及筋倦。榮華衛逆。乃喜茲物。以為
已適。詭之不祥。莫是為敵。烏可昵近。以招禍疢。且人道甚惡。

惟曲爲先。在心爲賊。在口爲術。在肩爲僂。在膝爲孿。戚施踣
跛。匍匐拘拳。古皆斥遠。莫致於前。問誰其類。惡木盜泉。朝歌
迴車。簡牘載焉。昭王市骨。樂毅歸燕。今我斬此。以希古賢。諂
諛宜惕。正直宜宣。道焉是達。法焉是專。決爾君子。曷不乾
既和且平。獲祐于天。去惡在微。慎保其傳。

送窮文

韓退之

元和六年正月乙丑晦。主人使奴星結柳作車。縛草爲船。載
糗輿糗。牛繫輓下。引帆上檣。三揖窮鬼而告之曰。聞子行有
日矣。鄙人不敢問所塗。竊具船與車。備糗輿糗。日吉時良。利
行四方。子飯一盂。子啜一觴。攜朋挈儔。六故就新。駕塵彌風。
與雷爭先。子無底滯之尤。我有資送之息。子等有音於行乎。
屏息潛聽。如聞音聲。若嘯若啼。若歎若嘔。髮盡豎。竦眉縮

頸。疑有而無。久乃可明。若有言者曰。吾與子居四十年。餘
在孩提。吾不子愚。子學子耕。求官與名。惟子是從。不變于初。
門神元靈。我叱我呵。包羞詭隨。志不在他。子遷南荻。熱燥濕
蒸。我非其鄉。百鬼欺陵。太學四年。朝齋莫鹽。惟我保汝。人皆
汝嫌。自初及終。未始背汝。心無異謀。口絕行語。於何聽聞。
我當去。是必夫子。信謔有間於予也。我鬼非人。安用車船。鼻
顛臭香。糗糗可捐。單獨一身。誰爲朋儔。子苟備知。可數已不。
子能盡言。可謂聖智。情狀既露。敢不迴避。主人應之曰。子以
吾爲真。不知也。邪。子之朋儔。非六非四。在十去五。滿七除二。
各有主張。私立名字。握手覆羹。轉喉觸諱。凡所以使吾面目
可憎。語言無味者。皆子之志也。其名曰智窮。孺二九。惡圓
喜方。差爲姦欺。不忍害傷。其次名曰學窮。傲數與名。摘扶香

微高挹群言。執神之機。又其次曰文窮。不專一能。怪二奇。不可時施。祇以自嬉。又其次曰命窮。影與形殊。面醜心妍。利君衆後。責在人先。又其次曰交窮。磨肌戛骨。吐出心肝。企足以待。實我讎冤。凡此五鬼。爲吾五患。飢我寒我。興訛造訕。能使我迷人。莫能聞朝悔其行。暮已復然。蠅營狗苟。驅去復還。言未畢。五鬼相與張眼吐舌。眈眈偃仆。抵掌頓脚。失笑相顧。徐謂主人曰。子知我名。凡我所爲。驅我令去。小黠大癡。人生一世。其久幾何。吾立子名。百世不磨。小人君子。其心不同。惟垂於時。乃與天通。攜持琬琰。易一羊皮。餒於肥菲。慕彼糠粃。天下知子。誰過於子。雖遭斥逐。不忍手疎。謂子不信。請賦詩書。主人於是垂頭喪氣。上手稱謝。燒車與船。廷之上座。

鱷魚文

維年月日。潮州刺史韓愈。使軍事衙推秦濟。以羊一豬一。投惡谿之潭水。以與鱷魚食。而告之曰。昔先王既有天下。列山澤。罔繩擗刃。以除蟲蛇惡物。爲民害者。驅而出之。四海之外。及後王德薄。不能遠有。則江漢之間。尚皆棄之。以與蠻夷楚越。況潮嶺海之間。去京師萬里哉。鱷魚之涵淹。郊育於此。亦固其所。今天子嗣唐位。神聖慈武。四海之外。六合之內。皆撫而有之。況禹跡所揜。揚州之近地。刺史縣令之所治。出貢賦。以供天地宗廟百神之祀之壤者哉。鱷魚其不可與刺史雜處此土也。刺史受天子命。守此土。治此民。而鱷魚睥然不安。谿潭據處。食民畜能。豕鹿麋。以肥其身。以種其子孫。與刺史亢拒。爭爲長雄。刺史雖駑弱。亦安肯爲鱷魚低首下心。佞々。爲民吏。羞以偷活於此邪。且承天子命。以來爲吏。固其

勢不得不與鱷魚辨。鱷魚有知其聽刺史言。潮之州大海在其南。鯨鵬之大蝦蟹之細無不容歸。以生以食。鱷魚朝發而夕至也。今與鱷魚約。盡三日其率醜類南徙于海。以避天子之命。吏三日不能至五日不能至七日不能至。是終不肯徙也。是不有刺史聽從其言也。不然則是鱷魚真頑不靈。刺史雖有言不聞不知也。夫傲天子之命。吏不聽其言。不徙以避之。與真頑不靈而為民物害者。皆可殺。刺史則選材技吏民操強弓毒矢。以與鱷魚從事。必盡殺乃止。其無悔。

勸學文

白樂天

有田不耕。倉廩虛。有書不教。子孫愚。倉廩虛。今歲月之子孫。愚兮禮義疎。若惟不耕與不教。是乃父兄之過歟。

弔古戰場文

李遐叔

浩浩乎平沙無垠。夔不見人。河水滌帶。群山糾紛。黯兮慘慘。風悲日曛。蓬斷草枯。凜若霜晨。鳥飛不下。獸挺亡群。亭長告余曰。此古戰場也。嘗覆三軍。往之鬼哭。天陰則聞傷心。故秦歟。漢歟。將近代歟。吾聞夫齊魏徭戍。荆韓召募。萬里奔走。連年暴露。沙草晨牧。河冰夜渡。地闊天長。不知歸路。寄身鋒刃。臆誰訴。秦漢而還。多事四夷。中州耗斁。無世無之。古稱戎夏不抗。王師文教。失宣武臣。用奇之兵。有異於仁義王道。迂闊而莫為。嗚呼噫嘻。吾想夫北風振漠。胡兵伺便。上將驕敵。期門受戰。野豎旌旗。川絕組練。法重心駭。威尊命賤。利鏃穿骨。驚沙入面。主客相搏。山川震眩。聲圻江河。勢崩雷電。至若窮陰凝閉。凜烈海隅。積雪沒脛。堅冰在鬚。鷙鳥休巢。征馬踟躕。繒纒無溫。墮指裂膚。當此之時。天假強胡。憑陵殺氣。以相

翦屠徑截輜重橫攻士卒都尉新降將軍復沒屍填巨港之
岸血滿長城之窟無貴無賤同為枯骨可勝言哉鼓衰兮力
盡矢竭兮弦絕白刃交兮寶刀折兩軍蹙兮生死決降矣哉
終身夷狄戰矣哉累骨沙礫鳥無聲兮山寂兮夜正長兮風
淅淅兮魂鬼結兮天沉兮鬼神聚兮雲冪兮日光寒兮草短月
色苦兮霜白傷心慘目有如是耶吾聞之牧用趙卒大破林
胡開地千里遁逃匈奴漢傾天下財殫力痛任人而已其在
多乎周逐徐狁北至太原既城朔方全師而還飲至策勳和
樂且閑穆之捷捷君臣之間秦起長城竟海為閼秦毒生人
萬里朱殷漢擊匈奴雖得陰山枕骸遍野功不補患蒼之秦
民誰無父母提携捧負畏其不壽誰無兄弟如足如手誰無
夫婦如賓如友生也何恩殺之何咎其存其沒家莫聞知人
或有言將信將疑惰之心目寢寐見之布奠傾觴哭望天涯
天地為愁草木悽悲甲祭不至精魂無依必有凶年人其流
離嗚呼噫嘻時耶命耶從古如斯為之奈何守在四夷

書師曠廟文

袁皓

吟篁怨桐天其聲乎鏘石鏗金天其文乎擊革鳴絲天其暢
乎匏土之韻天其和乎天有至音寄斯八物先生不生斯音
鬱鬱先生既生斯音在律嗚呼先生之耳時可求也先生之
心不可得也天全樂乎先生之無神乎愚固狂而不可據先
生之有神乎愚堅誠而乞其圖先生之耳有神乎化為天下
之耳先生之心有神乎化為天下之心者可以舒於今然後
家知舜琴。

上天鼓文

程浩

雷車聞之。六合喧吼。驟風雨於南極。簇星雲於北斗。遑俄選
慶東海以波蕩。擺太山而瓜剖。玉石至堅。切如泥滓。松栢至
勁。粉爲枯朽。鼉皮擊考而魑魅。睽場龍領。舐觸而鯨鯢。奔走陶鑄
造化之鑪。而鴻毛萬像。幹運乾坤之柄。而嬰孩群有。由是言
則九鼎瑣細。三山培塿。鼎鼐可以指揮。蓬萊可以背負。殊不測
離蒼天之近遠。當懼驚魂。在玄雲之幾重。徒勞矯首。及夫白
日雨歇。長虹霽後。列缺緩轡。玄真假手。蓄殘怒之未洩。聞餘
音之良久。而小子之繆學。敢獻疑於座右。今若爲善惡之宰
主。操賞罰之休咎。胡不扶持顏閔之羶行。夫闕跼蹐之龜壽。
罪一亂臣。懲天下之凶醜。旌一孝行。激天下之悌友。法高懸
於堯典。刑不誠於周后。何必霹靂潛靈之龍。養育吠堯之狗。
宋

真宗皇帝勸學文

富家不用買良田。書中自有千鍾粟。安居不用架高堂。書中
自有黃金屋。出門莫恨無人隨。書中車馬多如簇。娶妻莫恨
無良媒。書中有女顏如玉。男兒欲遂平生志。六經勤向窗前
讀。

仁宗皇帝勸學文

朕觀無學人。無物堪比倫。若比於草木。草有靈。芝木有椿。若
比於禽獸。禽有鸞。鳳獸有麟。若比於糞土。糞滋五穀。土養民
世間無限物。無比無學人。

勸學文

柳耆卿名耆中田
貞郎

父母養其子而不教。是不愛其子也。雖教而不嚴。是亦不愛
其子也。父母教而不學。是子不愛其身也。雖學而不勤。是亦

不愛其身也是故養子必教教則必嚴嚴則必勤勤則必成
學則庶人之子為公卿不學則公卿之子為庶人

遣拙鬼文

王元之

予心之神靈于予身窮經好古閱無廢文汝乃反吾巧而使
拙虧吾成而使缺好辭贈爾一行而決鬼乃躍然而俛首俯
躬而言曰子命昔窮我寄爾躬子命今達我辟爾室還子之
巧收吾之拙聖道是樂紛華無悅學海必至志剛無歇且戒
且勉且泣且別言已翻然而去予心釋然

諭交趾文

夫中夏之於蠻貊猶人身之有四肢也運動伸縮暗諸人心
故曰心為帝王之謂矣苟一手一足間血脉有滯筋骸不寧
則必藥餌以攻之攻之未和則必鍼砭以達之非不知藥餌
苦口而鍼砭破膚也蓋所損寡而所益多矣君天下者其猶
是歟我太祖皇帝受禪于周啓國在宋聲明文物一變及古
居帝王之位視蠻貊之病故一之二歲藥膚蜀餌湘潭三之
四歲鍼廣越砭吳楚筋髓血脉渙然小康非王者神機睿略
疇能至于此乎洵我后嗣守丕基躬攬庶政而以為并汾者
心腹之病也苟心腹未治四肢庸能治乎于是鍊仁義之藥
餌修道德之鍼砭大瘳于并一進而愈九州四海既康且寧
顧彼交州遠在天末實五服之外亦四肢之餘譬之于身猶
一指耳雖一指有患聖人得無念乎是用開爾昏庸被我聲
教爾其從乎况在有周白雉來獻降及炎漢銅柱高標至于
皇唐常曰內地唐末多難未遑區平今茲聖朝孟覆萬國太
平之業亦既成矣封禪之禮將以修矣俟爾至止康乎帝躬

爾無向隅。為我小恙。俾我為絕。踏斷節之計。用屠爾國。悔其
焉。追矧夫爾水生珠。我沉于泉。爾巖孕金。我捐于山。非利爾
之寶也。爾民頭飛。我有車馬。爾民鼻飲。我有酒食。用革爾之
俗也。爾民斷髮。我有衣紵。爾民鳥語。我有詩書。教爾之禮也。
煌々炎洲。煙蒸霧煮。我飛堯雲。灑爾甘雨。湯々瘴海。火燒日
鎔。我張舜琴。扇爾薰風。爾天星辰。人謂不識。我廻紫微。使之
拱極。爾地魑魅。人懼其怪。我鑄大鼎。使之不害。出爾島夷。觀
明堂辟雍乎。脫爾卉服。視華衮山龍乎。爾其來乎。無速厥辜。
方將整其軍。徒戒其鉦鼓。向化我其赦。逆命我其伐。惟向背
吉凶在爾審。

勸學文

王介甫

讀書不破費。讀書萬倍利。書顯官人。才書添君子。智有即起
書樓。無即致書櫃。窓前看古書。燈下尋書義。貧者因書富。富
者因書貴。愚者得書賢。賢者因書利。只見讀書榮。不見讀書
墜。買金買書讀。讀書買金易。好書卒難逢。好書真難致。奉勸
讀書人。好書在心記。

英德殿上梁文

天都左界。帝室中經。誕惟僊聖之祠。夙有神靈之宅。嗣開宏
構。追奉睟容。方將廣舜孝於無窮。豈特尚漢儀之有舊。先皇
帝道該五泰。德貫二儀。文摛雲漢之章。武布風霆之號。華夏
歸仁而砥屬。蠻夷馳義以駭奔。清暉甫傳。靈輿忽往。超然姑
射山。無一物之疵。邈矣壽丘。臺有萬人之畏。已葬鼎湖之弓
劍。將游高廟之衣冠。今皇帝孝奉神明。恩涵動植。纂禹之服
期成萬世之功。見堯於堯。未改三年之政。乃眷熏脩之吉壤。

載營館御之新宮。考協前藝述追先志。孝嚴列峙寢門可象
於平居。廟柘旁開輦路故存於陳迹。官司肅給斤築隆施。揆
吉日以庀徒。舉修梁而考室。敢申善頌以相歡謠。

兕即偉拋梁東。聖主當陽坐禁中。明似九天昇曉日。恩如萬
國轉春風。

兕即偉拋梁西。瀚海兵銷太白低。王母玉環方自執。大宛金
馬不須齎。

兕即偉拋梁南。內地星高每歲占。千障滅烽開嶺徼。萬艘輸
賚引江潭。

兕即偉拋梁北。邊頭自此無鳴鏑。即看呼韓渭上朝。休誇寶
憲燕然勒。

兕即偉拋梁上。彷彿神遊今可想。風馬雲車世世來。金輿王
輦年々往。

兕即偉拋梁下。萬靈饋社扶宗社。天垂嘉種口豐年。地產珍
符方極化。

伏願上梁之後。聖躬樂豫寶命靈長。松茂獻兩宮之壽。椒繁
占六寢之祥。宗室藩維之彥。朝廷表幹之良。家傳慶與代襲
龍光。肩一心而顯相。保饋祀以無疆。

戮鱈魚文

陳希元

水之恠則曰惡兮。魚之悍則曰鱈兮。二者之異不可度兮。張
氏之子。年方弱兮。尾之食之。胡為虐兮。然二母氏伴何說兮。

予實命吏顏斯。怍兮。害而弗去。道將索兮。夙夜思之。哀民瘼
兮。二吏行斯。恪兮。矯二巨尾。迎而搏兮。獲而獻之。俾人

樂兮。鳴鼓召衆。春而斷兮。而今而後。津其廓兮。

逐伯強文

劉原父

皇之上天兮后土浩二厥生孔繁兮其施其溥陶二仲夏兮
 草木蕃庶鳥獸孳息兮我民樂胥我民孔靈兮上帝是仁天子
 孔聖兮百工日新上無秕政兮下無悖人鄰里其集兮樂哉欣
 欣伯強何為兮孰畀以政反世五福兮持極以令我民不怡
 兮既爽其盛白黑眩矜兮孰察其正謂壽反天兮謂康反病
 仁義無益兮苟且為幸嗟爾伯強兮其獨何心絕世和氣兮
 俾民不任上天孔神兮大德曰生天不可長罔兮民不可久
 侵天誅誠加兮安所避雷公驅兮風伯逝嗟爾伯強兮何所
 詣南有蠻兮為寇為逋西羌戎兮恃艱自虐天子孔仁兮靡
 焉畢屠伯強往兮代天伐誅嗟中國兮不可久留子不去兮
 顛倒思予

造情文

林半千

我處介軒繹史繙經孰朋何儔管君墨卿青燈夜分糧食日
 晏肩高願隱不告劬瘠今如何其舍勤就嬉癡乃耽奕荒於
 嗜詩心空目妨尸行骨坐伊誰為厲維汝之情汝之為物冥
 頑弗靈遇我之銳盍遂爾形胡造膏肓肆行膏臆窮而伎倆
 作我蟲賊始為汝惑尚或汝從今既汝薄斷不汝容禮以遣
 汝之宜亟去跪而來前明聽吾語乃語之曰世有雕堂綺櫺
 翠幃翡翠高門鼎貴安居自怡者汝盍往而從只有出輦入
 鞞隄鍾按鼓美人雜坐喉歌掌舞者爾盍往而從只有寒鷄
 炙鳧燔龍炮羔飯囊酒甕口腹貪饕者爾盍往而從只有冰
 純火堯雲組霧縠喜事容飾鮮衣裘服者爾盍往而從只有
 當擇人好當隨時舍是不往眷我何為於是情崇聞言負愧

再拜而辭請對以意今其舍君母復我仇靈臺卅府盍亦與
諫居士曰嗟斯言之當予將付之尚子之望其徒寔繁盍率
以去庶無後言筋骸不支如醉斯寐黃昏為期伏几就睡予
其與子之友曰昏者去些知識頑昧學問空蒙倦編嬾筆如
闇如壘子其與子之友曰愚者去些出悅紛華方寸日感腐
腸伐性東鷲西逐子其與子之友曰狂者去些鳴雷隱腹寒
粟襲身捫薪數米吟嘯凄辛予其與子之友曰窮者去些言
之未既五鬼前至若嘯若呼各請迴避居士乃笑悅軒渠扇
籍纏綿引觴自醕以當祖筵醒醉之醒神融天全彼或去而
或留竟不知其所以然

戒弄潮文

蔡君謨

斗牛之分是越之中維江濤之最雄乘秋風而益怒乃其習

俗于少時觀厥有善泅之徒競作弄潮之戲以父母所生之
遺體撥魚龍不測之深淵自為矜夸時或沉溺精魄永淪於
泉下妻孥望哭於水濱生也有涯益終於天命死而不甦重
棄於人倫推予不忍之心示爾無窮之戒所有今年觀潮並
依常例其軍人百姓輒敢弄潮並行科罰

勸學文

朱仲晦

勿謂今日不學而有來日勿謂今年不學而有來年日月逝
矣歲不我延嗚呼老矣是誰之愆

元

廣寒殿上梁文

徐世隆

析木星躔臨土馬雄彊之地瓊華仙島營帝王游豫之宮蓋
因前代規模便有內都氣象金臺南峙玉泉西流北襟山勢

真龍虎之區。東帶海濤。盡魚鹽之國。控河朔上流之上。居今日中原之中。是宜均貢賦于四方。定龜鼎於億載。况朝覲必有接見之所。凡宮室本非逸樂而為恭惟皇帝陛下功塞兩間。德光五葉。明俊德以親九族。脩文德而示遠人。以至治不世出之英姿。舉累朝未暇行之公典。既嚴先廟。當備行宮。念人疲飛輓而尚未全蘇。雖躬在暴露而不自為苦。遂至于千戈之載。戰始令棟宇之量。修壯未央而龍衣亦風。露蕭相重威之設。耳九成而損隋制。慕唐皇去泰之心。即廣寒之廢。基確清暑之故事。敬滄穀且。髮舉栢梁。敢陳上誦之言。庸代子孫之詠。

拋梁東。海外三韓向化風。鴨綠江頭無戰伐。盡銷金甲事春臺。拋梁西。嶺嶺兵閑太白低。聞道上都朝會。到來齊。拋梁北。天道北旋昌。水德周天列宿象。臣民萬歲秋拱宸。極拋梁上。雲馭霓旌擁仙仗。長春白鶴自天來。特為吾皇降靈輿。拋梁下。葦路春風促龍駕。都人莫訝晚迴亦金秋。郊恐損如雲稼。伏願上梁之後。一人有慶。萬壽無疆。地儀厚配於長秋天位。普臨於諸夏。青宮朱邸。曄々相輝。玉葉金枝。綿々不絕。鸞臺鳳閣。咸登柱石之臣。象郡雞林。永作藩維之守。國無撓棟。民悉莫君。延及魚鳥之微生。亦遂池臺之同樂。

太廟上梁文

王般石

聖人作事。仰憲百王。都邑成規。要傳萬世。越皇居之肇建。必宗廟以為先。是故舜紹堯基。歸格於藝祖之室。周成洛邑。丕祭於文王之宮。典冊相傳。古今一制。今皇帝仁涵動植。孝奉

神明飲食非薄而豐腆於染盛衣服純素而鮮華於散帛講
求故事太常之禮樂一剖圖任舊人漢官之威儀漸復敬擇
吉地爰立太宮百堵皆興千楹並列堅杪文梓半出於江南
巨栢長松并來於山北共勸樂趣之役咸成不日之功因舉
脩梁輒伸善頌

拋梁東瀚海無波舟楫通行見新羅兼日本共來助祭賀新宮
拋梁西西域重開路不迷碧瑱明珠駝背香車藥草似長堤
拋梁南楚風輕脆尚虛談供祭包茅宜早貢莫誇天險恃江潭
拋梁北萬勇不能當一德龍沙戰土漲天潢舞干未久苗來格
拋梁上綿葛新儀多法象禮文隆殺相時宜富國兩生何太彊
拋梁下天開有道扶宗社列聖相承四紀餘于今初觀文明化
伏願上梁之仁于戈不用為巨室陳長朱草必濟於進

廟柱烝嘗禴祀保百世之宗桃朝觀會同來萬方之玉帛各
安環堵室同作太平人

東宮正殿上梁文

盧處道

玉冊金文既正重離之位桂宮蘭殿載新游震之居蓋將別
家嫡以繫人心所以敬儲闈而貳宸極恭惟皇帝陛下統垂
萬世德冠百王以不世之英姿修曠古之墜典頃因定鼎爰
用正朝固非逸豫之期率皆社稷之計每穆然思隆萬世之
本其必也能聳四方之觀延眷春宮式崇不構敬惟皇太子
殿下温文日就岐嶷生知趨朝回馳道之車侍幄辨南陽之
牘然不有師賓接見之所則何以示軌範不有衛率環列之
所則何以明等威於是少府獻圖冬官督役顧儼畫出內帑
經費不煩大農萃梗補豫章之材罄般輪梓匠之技規模素

定斤築隆施。繡桶華椽。拱星辰於閭闔。飛橋複道。接雲氣於蓬萊。允叶龜謀。共扶虹棟。敢申善頌。以相歡謠。

拋梁東。太液滄波與海通。玉殿問安。憐仗曉鬱。慈浮動廣寒宮。
拋梁西。京觀巍峩太白低。少海旌旗。葱嶺捷。至今威信徹羗氏。
拋梁南。天策元勳自可參。鬆輦小才。蕭統輩。癡兒官事竟何堪。
拋梁北。勿謂天高人叵測。屠狗半夜。望前星。輝耀晶熒拱辰極。
拋梁上。萬國歡欣覩明兩。金相玉裕。德無死主。邕承祧神自享。
拋梁下。翼翥異書宮崇廣。厦橫經問道。重師儒。卻笑瀛洲非大雅。
伏願拋梁之後。殿下端居。鶴禁誕荷。鴻休得保。傳若二疎有賓。
客如四皓。問安視膳。克盡兩宮之懽。監國撫軍。大慰兆民之望。

尚書省上梁文

閻子靜

龍蟠虎踞。近依天闕之九重。鳥華翬飛。登文昌之八座。四

風雲之慶會。登華厦之具瞻。麟鳳來游。燕雀相賀。欽惟聖朝。罄天張宇。巨地開封。混六合以為家。攬羣英而入彀。周卿有六以冢宰。統百官。唐省分三。曰尚書。總庶務。喉舌典樞機之密。股肱資輔佐之良。惟政事之有堂。寔熙朝之盛典。再消吉地。爰築新基。翬來落落之奇材。構出灑灑之仙府。左帶鳳池之水。右瞻鰲冠之峯。聽鷄有便於趨朝。待漏不煩于他所。三槐論道。端居上相之尊。一筆為霖。廣作蒼生之福。允協龜策。共舉虹梁。博採歡謠。庸申善頌。

拋梁東。日出扶桑。化景融。盡道今年春澤好。安排歌酒慶年豐。
拋梁南。解愠風清。澍雨甘。萬頃黃雲。登夏麥。千村白雪。簇春蠶。
拋梁西。月窟無塵。太白低。九曲河清。蛟蜃遠。萬年枝。穩鳳鸞棲。
拋梁北。玉牒交歡。懷聖德。草芳騏驥。附龍鱗。沙暖鵲。鳴琴鳳翼。

拋梁上。調元上。應璿璣象。輔德常依紫極垣。洗兵更挽銀河浪。
拋梁下。發政施仁自鯁寡。甄陶萬類入洪鈞。廢死入荒開廣廈。
伏願上梁之後三辰即序。庶政惟和。邦畿符鼎足之安。輔相
協棟隆之重。二十四考休誇中令之賢材。萬八千年共祝天
皇之聖壽。

九先生祠上梁文

薛友諒

道行天地之間。固存消長。世之聖賢之出。孰與網維。欲開我
後人。必須先覺者。濂溪先生。圖立太極。學契聖功。發四端萬
善之原。扶三綱五常之教。幸親傳之明道。而復授以伊川。況
康節之同時。有橫渠之行輩。文正挺生於涑水。南軒迭起於
漢川。在呂太史。豈曰小知。至朱晦庵。始為大備。歷乎千載。寔
惟九人。視漢唐訓詁之徒。尚陪從祀。接孔孟湮微之統。當有
叢祠爰即州庠。載巖像設奠。篤信好學之士。故見賢思齊之
心。縱有避秦人。必願受廩而出。於變離騷國。須捨所學而從。
助舉脩梁。恭陳善頌。

拋梁東。人在光風霽月中。為報僊源來學者。精思力踐是豪雄。
拋梁西。先哲從游記鄔鄒。樂地一言良有悟。更能談易撤臯比。
拋梁南。春染沅江一帶藍。時不再來如逝水。亟將伊洛學窮探。
拋梁北。斯文復振無楊墨。集成今說考亭功。畢竟是傳來魯國。
拋梁上。天根月窟閑來往。欲將妙理向詩尋。靜著工夫讀擊壤。
拋梁下。朝家咫尺求儒雅。致君堯舜看成規。通鑑一編無右者。
伏願上梁之後。師儒輩出。理學大明。廣性命道德之傳。養禮樂
文明之治。揭茲盛典。化及遐方。

大次殿上梁文

宋誠夫

太室奉先彤嚮之情斯在齋庭設次敬共之念彌興于以為
中嚴外辨之需于以構上棟下宇之壯配天其澤不日告成
共惟皇帝陛下先祖是皇神明其德議禮盡致曲之道享親
極如在之誠玉瓚黃流躬莅四時之祭龍袞玄冕力還三代
之儀且聖人垂遷坐之規斯明主制齋心之地度闕宮之密
邇掄良梓以經營繩直準平駮考工之斤斧芒寒色正燭清
廟之星辰陟降彤庭往來黃道凡所以如聲音笑貌在其上
皆以其思居處志意於此中適穀旦之載滄致柏梁之對舉
爰歌六備用相羣工

拋梁東淑氣扶輿九廟中獻歲發春當禴祭太平天子宿齋宮
拋梁西天子秋嘗執鎮圭明發有懷常不寐萬幾思慮一時齊
拋梁南祠祭淵衷神所監登降周旋無過舉禮官遷秩聖恩覃
拋梁北大烝歲祭駢牛一聖君方寸儘神通先正秋常配食
拋梁上三后在天時陟降風馬雲輿恍惚中神靈只為多儀享
拋梁下天子孝思天下化樽金柜忝與菁茅錫貢紛走諸夏
伏願上梁之後宗祏鼎安本支益茂黼黻謹彌文於燕喜藉神
執彝器而駿奔二出穆一世昭永配明禋於文祖三年禘四年
禘載隆純嘏於神孫泰山四維天子萬壽

文翰類選大成一百十

大德元年九月十日

送窮

送窮文

劉基

余寧有物乎。龍首人身。蓬頭鼠目。其音若伸。跳踉談治。若遠而親。歛往。若來。兮。忽笑以擗。覺而異之。乃具糗芳。潔豆觴。過老郭而問之。曰。是何祥也。郭子衰然。啓櫝拂著。密沕而筮之。遇困之。兌其繇曰。困于埳。宀中有狐。舉趾躡胡。毀踵及顛。其泣嬰如恣。睢臙腴孔隙。以窺如垢如脂。才十追隨。求遠得遲。郭子釋策而笑曰。是窮鬼也。其為物也。入山之空。入澤澤荒。人而遭之。窮不可當。載被載襪。遣之他方。可以無殃。余曰。苟然矣。遣之何居。郭子曰。子第為之所。我請為子逐之。余曰。唯。乃致詞曰。嗟爾窮鬼。兮。無處我廬。八牖洞朗。廓以虛陟。釐免頽有圖書。壅菹孺食。救與蔬守分自足。不求餘汝不可。

大德元年九月十日
 送窮文
 劉基
 余寧有物乎。龍首人身。蓬頭鼠目。其音若伸。跳踉談治。若遠而親。歛往。若來。兮。忽笑以擗。覺而異之。乃具糗芳。潔豆觴。過老郭而問之。曰。是何祥也。郭子衰然。啓櫝拂著。密沕而筮之。遇困之。兌其繇曰。困于埳。宀中有狐。舉趾躡胡。毀踵及顛。其泣嬰如恣。睢臙腴孔隙。以窺如垢如脂。才十追隨。求遠得遲。郭子釋策而笑曰。是窮鬼也。其為物也。入山之空。入澤澤荒。人而遭之。窮不可當。載被載襪。遣之他方。可以無殃。余曰。苟然矣。遣之何居。郭子曰。子第為之所。我請為子逐之。余曰。唯。乃致詞曰。嗟爾窮鬼。兮。無處我廬。八牖洞朗。廓以虛陟。釐免頽有圖書。壅菹孺食。救與蔬守分自足。不求餘汝不可。

留阻步趨左有鬱壘右有荼葦索縛汝飼老鳥嗟爾窮鬼兮
無泊我市九衢四達平若砥高樓大屋鬱雲起冠裳濟之集
俊士謀謨折衝格遐邇汝不可往耗儲侍山川靈神歆穆祀
孟涂司刑伐爾死嗟爾窮鬼兮無依我城垣墉睥睨高不可
陵溝渟深浚存以刑重門擊柝鐘鼓旬片堦謹肅列旗旌汝
不可往構妖狎健兒披甲眼若星長戈勁箭守爾形嗟爾窮
鬼兮無適我野田疇井之治而不首禾麻豆麥棗梓檟奉之
蔚蒨被窪野歲時禋祀達方社汝不可往原隰赭朱衣赤郭騎
駿馬執汝鬻肉燔其髀嗟爾窮鬼兮無上天高明行健履八
廷轉旋日月照幽玄溫涼噓吹寒暑前陶冶萬物成歲年汝
不可往亂星纏黔羸憑怒施雅鞭破骸碎骨突爾元嗟爾窮
鬼兮無下地博厚載物生育庶類江河順流山岳峙融結蒼
洩百寶出洪纖蠶頤各奠位汝不可往坤軸隳黃示土伯咸
震恚艾殄爾種及厥酬嗟爾窮鬼兮無潛於山岩熬石核立鍵
闕立林安麓產植蕃閔隅風氣限夷蠻頷雲腹雨濡旱乾汝
不可往鼓神姦涉蠱泰逢毛虎班噬膚嚼肉流血殷嗟爾窮鬼
兮無入于水大瀛包納川瀆委疏煩洩穢通脉理魚鹽蟹鰕
奏鮮旨蛟鼉龜鼉截譎詭汝不可往陵谷圯天吳九頭掉九
尾磨牙吮血糜爛爾已大泊蕩之無涯垠青冥杳茫不見人
曹之漢之混昏晨瀉之不虚壅之不堙不甘不苦淡以溥汝
往居之寂無鄰乘騎光景入網緼保全爾軀絕詭噴汝不寤
兮滅為塵急之如律令

詰皓華文

宋濂

龍門生閒若累日弗憚雖深自寬碎卒未能釋去頗聞道家

之言。肺神皓華者。實主真。因假為問。對作詰。皓華文。文曰。上章困敷。在日之月。火雲不移。積氣燦執。時龍門生。黯慘弗悅。顏面腫噲。精神鬱勃。顏文九折。麋梁雙闕。首不暇冠。足何能襪。其友亡羊先生。哀之。謂迷山君曰。龍門生病矣。為祿所嬖矣。其中栲之。喪神守矣。迷山君曰。花妖媚武。圓崇惑赤。仇鐸投縲。荀伯赴溺。移昭入幽。倒白作黑。不遑其逐。卒實靈魄。龍門生之所罹。殆此疾也。邪。亡羊先生曰。不然也。彼自外入。有隙斯窒。此自內出。無罅可透。昔者玄靈錫真。黃苞承鈞。儼儼者。人分為五神。守靈威明。龍煙育嬰。或喜而眉揚。或怒而色頰。或恐而湮淪。或思而纏索。各隸攸司。別域異局。中有皓華。其字虛成。西方之英。白琥之精。於時為秋。擊斂華祭。於音為萬。肅殺之聲。於行為金。厥德維刑。於藏為肺。百憂所城。察之無迹。迫之不驚。燄爾水集。忽焉雲凝。耗燥黑昧。呶訾於蟬。久而弗革。或爽厥貞。余嘗遇河上丈人。於龍都之山。九陽之庭。授我以帝青之錄。示我以赤水之經。効召五鬼。麾斥三靈。動為山合。怒為霆崩。即將召皓華而訊之。不亦可乎。匡山君曰。子計誠良矣。亡羊先生乃仗七星之劍。曳三辰之旗。灑酒于茅。烤脊上升。禹步成罡。拔髮為兵。左叱右顧。潛聽于冥。涉炊五斗黍。頃迴颺。怒旋冷氣。四興幻陽。變陰弄晦。閃明勃律。變卒如見其形。有媿一夫。素裳影纒。衛以刀戟。載以輜輶。踉跄而前。呼謂亡羊先生曰。我皓華之神也。與夫子人鬼異程。曷召我為。亡羊先生曰。龍門生之疾。爾奈何崇之。吾之召爾。非苟然也。寓形兩間。為生幾何。擊右火起。流陽電過。俄頃歇滅。不樂則那。既有良朋。相與嘯歌。上下角逐。西東屢摩。旋陳筮

磬尊列象犧。酌嬉淋漓。宴舞佳。雞虫失得。鳴鳳少多。乘而不辨。違恤其他。孰不志舒。孰不顏醜。孰不鬯遂。孰不婆娑。尔何使龍門生感。之。功。之。姸。之。嬰。之。委。塌。弗。振。如。飢。沈。疴。爾當據情以對。其辭若直。吾將爾為式。辭或不能良。我劍有鋒。皓華間已。穎然怒曰。夫子執周載籍。心統人天。在古無上。在今無前。電生目底。雷捲舌間。雄章欲議。彈壓神姦。夫子宜先天下。憂而憂。乃欲自樂耶。惟昔尼父。任道為宗。上畏天命。下悲人窮。雖不得位。唯世是從。敢曰自佚。以攻厥躬。子幸我聽。請竭始終。民吾同類。殺之匪易。遑之齊魯。棲之宋衛。樹伐蒲園。絕糧不繼。車轍周環。曾莫少避。欲與東周。拯我民悴。是謂世憂。夙夜用替。天下為公。道紀攸繫。魚爛已成。何决安治。傷麟曷來。嘆鳳不至。含瑟長吁。反袂拭涕。述為彝經。表我王制。是謂道憂。唯恐淪墜。夫子法尼父者也。宜為二者深憂。乃欲自樂耶。况今六合雄吞。予縱戟橫千里。蕭條土絕。播暘晷。如悲風往還。鳥鳶見人。飛集樹端。夫子不為之長慟。日欲開口笑樂。一何惑乎。亡羊先生驟然笑曰。爾望吾以聖人之事。我病未能若。謂生民遭屯。則有肉食者存。吾亦何知焉。古今一馬。天地一指。死生一轍。彭殤一軌。溟滓無末。恢落無始。神光下燭。人麤將弔。內已若忘。外憂自止。我額疇感我齒長。啓我神孔。寧于胥樂。只尔固欲反之。將有說耶。抑罔我也。皓華曰。大道陵夷。始有聃周。放言如雲。弥布八山。蛟龍騰驤。搏之無由。印聖侮賢。漫漶弗收。欲齊夫物。強名弗憂。夫子取之。人將見尤。且吾聞之王公。弗憂四國不治。侯伯。弗憂庶政用隳。子男。弗憂名毀身隳。士。無人。弗憂。賢。官。是。懼。是。憂。者。群。善。之。

原衆德之基脩之則安。悖之則危。故曰。生於憂患。死於安樂。而君子終身以之。天子奈何棄諸粵。自古初。有天皇焉。幹運日月。轄轄坤乾。司執神機。主宰帝權。懼民多欲。志因物遷。特遣天老。命廟五官。蹈揚金德。專主憂患。以助人極。以拓化原。夫子辱我。以崇並觀。如此尚有識邪。亡羊先生曰。尔言固善。古之聖賢。有無憂者矣。有知命樂天者矣。有遯世無悶者矣。若是彼皆非歟。皓華曰。夫膠柱不可以調瑟。刻舟不可以求劍。尚矣。事雖有常。易貴交通。苟執于一。子莫之中。憂樂有異。時勢不同。使古聖賢生于當今。其有隱憂。又將何如也。言既畢。化為白氣。其長如虹。昏之蒙之。歸于太空。亡羊先生退謂匡山君曰。皓華之辭。良直吾敢不敬承。以為式。於是攢眉入室。睫淚欲滴。撫物傷懷。終宵太息。

浴日童文

浴日童子我目之精凝。媾五神配合。三靈素質。負四皓圓暈。東青南丹。注背比玄。朶晴約束。臉胞黃中之英氣。幾內重藏。系外徵。啓闢人牖。通洩天明。聚為根蒂。敷為華榮。衆咸允賴。爾獨失貞。孰不若電洞觀。八絃爾於尺尺。不分五牲。誰不如月。照徹七經。爾頽湊。凡僅辯一丁。此朋而執。執眇弗迎。彼不面識。反揖而承。頽或自批。頽常發頽。辟如水母。藉蝦始征。又如野狼。挾狙則逞。皆爾弗職。以玷我形。童子曰。噫。何言之戾。賦授自天。初無恒制。堯眉八彩。岳黃以蠢。聃耳無輪。憤額斯瞽。尼口類海。敦陘且銳。澤鼻如蝎。欽直而細。四者猶殊。目胡不異。或牟其參。表歛明。或角而方。漫舉長世。或瞭而揚。或駘而翳。一囿于玄。我則何繫。矧子淫書。膏焚墨繼。摘按辭藻。搜

剔文藝。肺鑄肝雕。心鉢腎剝。我剗我揉。我斲我弊。八廓注邪。
五輪受厲。靡精弗喪。有明益瘞。我合子躬。始左右契。子榮我
尊。我跌子謚。豈圖子玷。成此左計。咨爾童子。爾辭固臧。傳以
正理。則涉于涼。形雖異賦。尔宜自強。何取其竅。乃釋其良書。
滯所致。尤隨意量。映雪席夏。聚螢囊刺。股流血懸。髻于梁。
未聞其目。遽縮晶光。是謂道辭。君子所襄。皇野有合。雲漢成
章。測步幽眇。挈度機祥。為爾之故。不知低昂。三條占限。兩戒
畫疆。氣勢旁魄。民物浩穰。為爾之故。足不及行。述此二端。餘
可類詳。尚飾巧言。陳法列方。孰為曲直。敢矯而亢。童子曰噫。
士貴自謀。匪狡足恃。唯道是適。考亭有喜。蒼溟則脩。厥視雖
短。所履孔優。一紹道緒。上遡魯騶。完經翼傳。衣被九丘。一昌
其辭。出孔入周。有光赫赫。昭若參旂。子不此即。而反我仇。搃

蜂彌豹。豈無烟眸。鼓辭樂禍。腥聞不收。偃瞻文眇。世所嘲咻。
內美之章。玉璫黃流。子苟弗悞。自貽大郵。何河而厄。何淡以
休。何青以諉。何肉而囚。子勿冥思。焚若繭抽。遺形全智。與造
化游。我雖俚言。寔為遠猶。毋慚墨。成此絃。童子言已。我
心之夜蒙。俱既寢。斷蓄亦陋。植鱗太纖。削瓜匪秀。號尊聖哲。
名亘宇宙。非形之妍。唯德之茂。况目在形。寘進一豆。雖耗非
贅。物亦云觀。縱瞽焉。亦有用。輒售矇。三品備子。樂奏國語。
成書事明。若書矜察。秋毫或速。殃咎潛曜。自將神腴。內富五
色。免惑一誠。自守幸遂。遵養庶絕。馳驟禍福。倚伏理嘗。易究
所憂。忘荒如營。四耐本實。不培枝葉。巧湊弗別。秀未徒煩。
耨童習固。勤白紛罔。就千古居。前万世在。後虛生其。閭冠裳
徒。犹自今伊始。啓矇撤覆。責躬靡違。敢目之詬。我道之擬。我

學之懋上慎旃哉吾言不又

逐鷓文

來汝鷓上堪下與萬物並育各全其生以蕃以族飛續緒
蟻動感劓鱗介潛淵毛蹄藏陸文華維璨形模繚曲游泳同
嬉喊呀相逐既拘於氣曷禁夫欲大或啗小衆將壓獨唯類
之求於人敢觸來汝鷓相度尔生取形甚微賦質黝昧繁生
穢卑啄磔蠶蛤捕索鼃魚含蓄俛仄軒露掘竒非疾噉嘔無
疾唾洩產醜銜惡朝息夕孳不胎而疑憑化而馳不知而孕
與泌相依初若蠶萌漸則奮飛來汝鷓爾腸刀鏃尔胃芒刺
不爾之虐所出曷異鳴如雷般聚若雲翳緣撲腠肌嗜噉口
咀投開抵隙潛察默觀體如粟砂吻若錐利中有豹脚勢尤
可畏高沙斃女西洋地吏艾熏徒力羽扇不避我人尚然矧

初物類來汝鷓物豈無嘔與爾不同兔口出子一氣之從驢

嗑吐絲局厥異封鳥能嗽金昆明所鐘鷄或懸綬色眩黃紅

惟尔肆孽胎此禍凶草木所化洿水是宮無若汝慘厥害則

鳴予今逐尔欲滅尔蹤嗚呼我挺之將兮其長媿予尔鷓我

逐兮亟去勿留徃彼北荒兮其土幽々鬼物披攘兮豺兕伊

嚶爾宜吐蚊兮齧彼若仇胡宅中土兮自貽大郵我逐尔鷓

兮下民用体鷓既逐兮梧桐肺々鳳皇下徠兮嗚聲噦噦

續太始天元冊文

太虛寥廓肇基化元萬物資始五運終天布氣真靈摠統坤

元九星懸朗七曜周旋曰陰曰陽曰柔曰剛幽顯既位寒暑

弛張生々化々品物咸章川嶽奠裔草木暢英精氣上浮滓

歲下減塊北無朕膠葛載更迴合交鬱誕于民靈苞黃內玄

彪外弼中。建統人極。敷引道宗。銷并六厲。式正五常。大儀玄
幹。六子類從。凡厥攸為。壹底乎同。天工以成。人化以行。如環
相循。不知其始終。

勉學文

李繼本

勉爾學子。植爾天君。爾志不惰。爾德乃新。爾年漸長。爾業當
勤。六藝六經。爾其攷二。而汲二。五常五教。爾其勉二。而循二。
勿矜已長。將招謗而損德。勿議人短。必取禍而殺身。勿謂記
問為餘事。孰可為康成之同倫。勿謂文章為小技。孰可儼史
遷之雄文。勿謂天可欺。積善之家。有餘慶。勿謂人可罔。暗室
之中。有鬼神。勿謂今年不學。有來年。恐老矣。耄矣。而徒悔。勿
謂今日不學。有來日。懼四五十。而無聞。勉爾學子。植爾天
君。箴讓是蹈。禮節是遵。正直是與。善良是親。敦吾儒素。味吾
道真。補過為實行。順性為純仁。誠薦為踐履。忠孝為本根。沂
洙泗。正泂軼。關洛芳塵。儒哉君子。允為百世之士。豈曰一鄉
之人而已乎。

東安縣勸農文

洪範八政。食貨為先。周詩二南。風化為首。蓋食貨者生民衣
食之本。而風化者邦家政治之基也。我

聖天子恭儉愛民。勵精圖治。故田野之中。克勤為耕織。而庠
序之內。益勉於詩書。予欽奉德音。來領縣事。大懼微才無補。
有虧於承宣之功。復慮惰農自安。有妨乎生養之計。今四陽
布德。而萬物增輝。祥風送暖。於花朝。瑞雪融春。於麥隴。予當
勸農而務本。爾宜竭力以治。其生耕。爾田播。爾穀畜。爾鷄種。
爾桑麻。督併工程。愛惜時日。既効勞於春夏。必收功於秋冬。

珠照靈椿之風。裁金磬
系緒。豈比尋常之士。族
珂之里。綺窓綉戶。依然
之最。芝蘭迎化日。待龍
翰墨。牙籤玉軸。家傳賢
並舉。六偉齊歌。

拋梁東。瀘水溶。接大

應發丹桂之天香。昭代簪纓賢侯
四宜高大於門閭。碧瓦朱甍久矣鳴
鼎之家。樽俎得歲時集。鳳閣鸞臺
虎榜之魁。雲漢天章。世守帝王之
王之詩書。架海檠天飛雲卷。兩雙虹

西祠堂。高聳與雲齊。松
南御史文華冠。斗南寫
北。白沙潭水蟾光白。山
上天關。文星光萬丈。五

山遊山青未了。月明時有鶴來棲
尚在招提境。時有遊人一駐驂。
之旺氣牡丹紅。人道蕭門有陰德。
祥雲捧

玉皇神靈八葉蕭丞相

下一雙白壁連城價。忠

臣孝子本同門。定有聲名滿華夏。

伏願上梁之後。老者黃

髮而安。少者青雲得路。闔門兆應於

憂熊。禁闕聲馳於附屬

公侯子孫復其始。泰山盤石以同安。

魯後周前天長地久。

重創忠節祠

上梁文

周忱

伏以與日月爭光。忠

素推於前哲。為江山出色。祠堂重構

於明時。吾道方亨。人

允協恭。惟宋太師。楚國歐陽文忠公。

及列位忠節先賢。乾

正氣。今古偉人。其學問推韓子孟子。

以達乎聖人。其事業

布周公召公。以及乎伊尹。或捲鈞衡。或

秉鈇鉞。文武兼備。其

丁有居史館。有列諫垣。夷衮各致其力。

黜浮崇雅。文起歷代

人哀殺身成仁。勇奪三軍之氣。臣節獨

全於建邦儒風肇拓
歸於士類臨終猶惜
之姦計真能以社稷
慷慨激烈從容而死
網五常賴以不墜四
鄉郡尋基覓址今類
之氣象茲蓋伏遇湖
本源以激揚清濁服
守列位公相圭璋令
朱璫皂蓋今撫字於
何之美同寅協恭共
當度政咸和之時正
百廢具興之日觀風
使既為之倡牧民

官遂玉于成好義而
輕其財雲集故家之
豪傑獻巧而利其
器駿奔妙手之工師
經之營之完矣美矣
洋洋在上便瞻廟貌
之巍巍藹藹之吉人
會觀文風之興起請
陳六備助舉雙虹
梁之東千山翠嶺玉
芙蓉日上扶桑滄海闊
恩江文水畫朝宗
梁之西萬家樓閣與
雲齊梧桐葦葦長岡外
瑞世重看彩鳳棲
梁之南章江一道似
投籃古渡舟橫大舉口
平園綠野在江南
梁之北黌宮翠聳參
天栢鄉衮遺風數百年
衿佩詠之仰標格
梁之上閭闔五雲光
蕩之褒崇重望制書來
正氣夜衝牛斗上
梁之下燈火書聲徹
清夜春秋祭祀永無窮
政事文章足並價
伏願上梁之後日月光
華雨暘調順皇圖鞏固
亘宇宙以長新廟貌
尊嚴歷歲時而共祀天
為星辰地為河嶽騰膏
馥於後人功施社稷德
被生民紹聲光於永世
江山偉觀鐘鼓清時

彭氏務威新居備文

胡啓先

伏以天台山彭澤居已觀昔時之壯觀庾公樓審氏宅又觀今日之恢弘苟非心上經綸安得眼前突兀共惟務威處士系傳商大夫之後名振漢光武之朝人物彬彬奕世之英雄俊邁孫枝濟濟千年之喬木故家惟秉彝倫心存合變慈親晚歲足極乎斑衣菽水之懽兄弟青年能盡乎大衾長枕之樂出必告反必面之勞不怠食同校衣同服之禮無荒經之營之從容乎前列座後列廊之布置芥被鋸被沉潛乎大為采細為揄之安辨惟此光風霽月之懷是此地靈人傑之美擣榼櫛株環閣店樓上下各得其宜畫棟雕梁綺窓綉闥左右適遂其如翬斯飛如跂斯翼惟北有斗惟南有箕植花竹松梅樂清時之趣列詩書圖史成歌化日之長登爾江之靈我北郎之偉

東晴峰

翠曉雲紅簷捲畫闌春晝永讀書聲滿百花叢

西清泉澄碧繞中溪浪湧桃花魚變化沙鷗欲傍鳳凰飛
南湖山一派擁清嵐松竹分行陰滿地高車駟馬喜停驂
北草木齊芳山一色仙童時下五雲中咲指前崗龍有脉
上河漢無雲天蕩漾豐城誰識鑊錡精昨夜龍光高萬丈
下高人逸士常留駕滿架詩書與棟高科第聲名滿天下
伏願上梁之後壽而富富而壽百世其昌孫又子子又孫千
秋永穀山鞏遐齡之固崑開家慶之祥道在人弘福從天降
賀劉球貢士步蟾坊上牌文

伏以步蟾宮折仙桂既看此日之成名叫閭闔呈琅玕佇俟少年之登第自應萬選而萬中可以必達而必聞用揭新題

以旌勝地。伏惟求樂貢士。鍾山川秀。負廊廟材。選於里。舉於鄉。由小學而入大學。依於仁。游於藝。即賢人而希聖人。辛勤乎二十年之韶華。特出乎千萬人之聰慧。由也果。賜也達。求也藝。彙中見數子之賢。夏尚忠。商尚質。周尚文。明時覩三代之盛。惟幼學壯行之幾。在此故家齊國治之效。可期。前科十八名。後科十八名。好承胡瑗之衣鉢。會試三千字。殿試三千字。爭看賈誼之文章。士友荷進取之榮。朝廷有得人之慶。道其道德。其德蓋本有授有傳。見所見聞。所聞於是。可久可大。自是成章。必達實為有志竟成。胸中經書。天下事業。君子之澤。詩書之澤。人間稱劉向之子孫。人物之光。江山之光。眼底見鄉公之鄉里。欲羨其美。當書其書。惟上官之公言。乃衆人之公言。在今日之功烈。乃後世之功烈。堂堂大字表名坊。詩曰。

劉郎少年文來雄。騎鯨直上廣寒宮。廣寒宮中桂初發。秋風有約從人折。只今歸作桑梓榮。兒童到處稱姓名。

文翰類選大成卷百十

文翰類選大成卷第一百十

文翰類選大成卷第一百十

神補遺

不自棄文

朱仲晦

夫天下之物皆物也。而物有一節之可取。且不為世之所棄。可謂人而不如物乎。蓋賤如石。而有攻玉之質。毒如蝮。而有和藥之需。糞其穢。棄其穢之發。用則五穀賴之以養。賈既冷矣。禱之洗滌。則衣裳賴之以精潔。食龜之肉。申可遺也。南人用之。以卜生。食鵝之肉。毛可棄也。桐根縫之以禦臘。推而舉之。類而推之。則天下無棄物矣。今人而見棄焉。特其自棄爾。五行以性其性。五事以刑其刑。五典以教其教。五經以學其學。有格致體物以律其文章。有課式程式以拂其富貴。達則以是道為卿。為相。窮則以是道為師。為友。今人見棄而怨天。

尤人豈理也哉。故怨夫者不勤，尤人者無志。反求諸已而自尤，自罪自怨，自悔卓然立其志，銳然策其功，視天下之物，有一節之可取，且不為世之所棄，豈以人而不如物乎？今名卿士大夫之子孫，華其身，甘其食，諛其言，傲其氣，遊燕樂，不知身之所以糟爛者，皆乃祖乃父勤勞尅苦也。候芳泉而不知其源，飯香黍而不知其田。一旦時異事殊，失其故態，士馬而學之不及，農馬而勞之不堪，工馬而考之不素，商馬而資之不給，當是時也，窘之以寒暑，艱之以衣食，妻垢其面，子鬻其形，雖殘枯於彘，色之而不慚，穿衣破履，服之而無耻，黷然而莫振者，皆昔日之所為，有以致之而然也。吾見房村平土，勤苦僅能立門戶，遭不肖子弟，湯覆殆盡，斯可鑑矣。又見河南馬氏，倚其富貴，驕奢淫泆，子孫為之燕樂而已。人間事業，百不識一。當時彌為酒囊飯袋，及世變運衰，餓死於溝壑，不可計數。此又其大成也。為人孫者，當思祖德之勤勞，為人子者，當思父功之刻苦，孜孜汲汲，以承其事，兢兢業業，以立其志。人皆趨彼，我獨守此，人皆遷之，我獨不移。士其業者，必至於登名，農其業者，必至於積粟，工其業者，必至於作巧，商其業者，必至於盈貲。若是則於身不棄，為人無愧，祖父不失其貽謀，子孫不淪於困辱，永保其身，不亦宜乎。

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

人

律